

# ВИЛЬЯМ ШЕКСПИР

---

ТАНЛАНГАН АСАРЛАР

Беш жилдлик

*Тўртинчи жилд*

Тошкент

Гафур Гулом номидаги Адабиёт ва санъат нашриёти  
1985



# ВЕРОНАЛИК ИККИ ЙИГИТ

УЙГУН  
таржимасы

## ҚАТНАШУВЧИЛАР

Миланлик герцог — Сильвиянинг отаси.

Валентин } — Вероналик аслзодалар.  
Протей }

Антонио — Протейнинг отаси.

Туро — Валентиннинг аҳмоқ рақиби.

Эгламур — Сильвиянинг қочишига ёрдам берган  
киши.

Сид — Валентиннинг хизматкори, қизиқчи.

Ланс — Протейнинг хизматкори, қизиқчи.

Пантино — Антонионинг хизматкори.

Миландаги, Жулия бориб жойлашадиган мөхомон-  
хона хўжайини.

Қароқчилар.

Жулия — Вероналик ёш аёл, Протейнинг севгилиси.

Сильвия — герцогнинг қизи, Валентиннинг севгилиси.

Лючэтта — Жулиянинг чўриси.

Хизматчилар, созандалар.

Воқеа қисман Веронада, қисман Миланда, қисман  
Мантую чегарасидаги ўрмонда бўлиб ўтади.

## БИРИНЧИ ПАРДА

### БИРИНЧИ САҲНА

Верона. Майдон.

Валентин билан Протей киради.

Валентин

Иўқ, Протей, ишонмайман, ақли тўлишмас  
Уйдан нари чиқмайди ёш-ялангларнинг.  
Агар севги сеҳрловчи занжири билан  
Сенинг олтин кунларингни гўзал бир қизнинг  
Жозибадор нигоҳига боғламаганда,  
Сени, дўстим, ҳамроҳликка таклиф қилардим,  
Дунёда бор мўъжизани бирга кўтардик.  
Майда-чўйда ташвиш билан уйда ўлтириб  
Утказмасдинг ёш умрингни бекорчиликда.  
Аммо севсанг, майли, дўстим, баҳтинг ёр бўлсин.  
Мен ҳам севги жабрин тортсам баҳтли бўлардим.

Протей

Шундай қилиб, жўнайман де, дўстим, Валентин,  
Хайр, азизим, Агар бирор диққатга лойиқ  
Фаройибот учраб қолса мени эслагил.  
Омад кулиб боқса, ишинг ўнгидан келса,  
Рухсат этгил, шерик бўлай баҳтингга мен ҳам.  
Хавфу хатар дуч келсаю юз берса ташвиш,  
Дуодаман сенга тинчлик, омонлик тилаб.  
Ҳа, Валентин, доим дуо қилиб тураман.

Валентин

**Мұхаббатнинг китобига қараб турибми?**

Протей

Ҳа, севимли китоб билан дуо қиласман.

Валентин

Саёз китоб билан теран ҳисни англатмоқ,  
Бир қўрқоқнинг денгиз сузиб ўтганидай гап.

Протей

Йўқ, севгининг Геллеспонт қаъридай теран,  
Жуда чуқур китоби-ла ибодат қилгум.

Валентин

Геллеспонтдан сузиб ўта олмас эдинг сен,  
Қавушинг-ла муҳаббатга ботиб қолардинг,

Протей

Қоч, бу ерда кавуш нима қилиб юрибди?

Валентин

Оёғингга қараб кавуш киймабсан, дейман.  
Минг илтижо билан бир дўқ харид қиласан.  
Юз оҳангга, минғ додингга — бир нохуш қарашиб  
Уйқусиз ва оғир тунлар эвазига сен  
Бир зумгина бахтга эга бўласан, холос!  
Узоқ ўйнаб фақатгина омадсизликнинг  
Азобинигина ютиш нақадар оғир.  
Оғир азоб эвазига бой бериш даҳшат.  
Йўқ, азизим, ақлсизлик ақлингни енгмиш,  
Е ақлингни аҳмоқликка алиштиргансан.

Протей

Шундай қилиб, Протейни аҳмоқ дейсизми?

Валентин

Йўқ, ақлдан озмоқдасан севги туфайли.

Протей

Тушунмадим, бунча ташвиш, ҳали, ҳеч кимни  
Севганим йўқ.

Валентин

Сиз, азизим, севгига қулсиз!  
Ҳа, кимгаки жилов солса бемаъни севги  
У одамни доноликдан узоқ деб билинг!

Протей

Доно дерди: нозик ғунча қатларига қурт  
Ин қўйгандек, энг қудратли ақл ичра ҳам  
Севги кириб жойлашади...

Валентин

Бошқа гап 'ҳам бор,  
Доно дерди: ёвуз қуртга ем бўлиб ғунча,  
Очилимасдан туриб ҳазон бўлгани каби  
Ёш идрок ҳам муҳаббатнинг исканжасида  
Бевақт сўлар ва айланиб бемаъниликка,  
Баҳордаёқ қудратини йўқотиб тамом,  
Беролмайди ваъда қилган мевани ҳеч вақт.  
Аммо кимки хизмат қилса ақлсизликка,  
Үндайларга бефойдадир оқилона панд.

Хайр, дўстим, отам йўлга чиққандир кўпдан,  
Кузатмоқчи эди мени кемага қадар.

### Протей

Мен ҳам сени кузатаман.

### Валентин

Ҳеч ҳожати йўқ.  
Шу ердаёқ хайрлашиб қўя қолайлик.  
Ҳа, Миланга, тез-тез хат ёз муҳаббатингдан,  
Ҳамда менсиз бу ерларда нима юз берса,  
Ҳаммасидан, дўстим, мени огоҳ қилиб тур.  
Мен ҳам сенга ҳамма гапни ёзиб турман.

### Протей

Ҳа, азизим, Миланда баҳт йўлдошинг бўлсин!

### Валентин

Сен ҳам бунда баҳтиёр бўл. Хайр, биродар.

(Кетади.)

### Протей

Дўстим, шуҳрат ахтаради, мен эса севги.  
У шуҳрат деб ажралади дўстдан, мен эса  
Севгим учун ўзимни ҳам, дўстларимни ҳам,  
Дунёни ҳам аямасдан қурбон қиласадим.  
Сен, Жулия, айборсан вақтимнинг бекор  
Кетишига, илму фандан қочишимга ҳам,  
Доно, яхши маслаҳатга қулоқ солмасдан,  
Очу наҳор ва беүйқу юришимга ҳам.

### Сид киради.

## Спид

Салом, сизга, синьор. Менинг хўжайинимни  
Кўрганлари йўқми?

## Протей

Ҳозир шу ерда эди.  
Портга кетди, ҳозир жўнар Милан шаҳрига.

## Спид

Жўнаб қолган бўлса керак, гаров боғлайман!  
Мен ҳам бориш ниятида эдим Миланга.  
Доғда қолдим, каллаварам, Верона қўйи!

## Протей

Ҳар гал шундай: агар чўпон фафлатда қолса,  
Қўйлари ҳам ўлда-жўлда қолиб кетади.

## Спид

**Сиз** ҳақиқатан ҳам, уни чўпону мени қўй деб ҳисоб-  
лайсизми?

## Протей

**Албатта!**

## Спид

Ундей бўлса — хоҳ кулинг, хоҳ йиғланг, менинг  
шохларим — унинг шохлари.

## Протей

Мулоҳазаларинг бемаъни, аммо қўйга муносиб.

С п и д

Демак, яна бир карра маълум бўлдики, мен қўй эканманда.

П р о т е й

Ҳа, хўжайнинг эса чўпон.

С п и д

Йўқ, тўғри эмас. Тўғри эмаслигини исбот қилиб бераман.

П р о т е й

Мен эса тўғрилигини исбот қиласман.

С п и д

Чўпон қўйни ахтаради, қўй чўпонни эмас. **Мен** эса хўжайнимни ахтариб юрибман, хўжайнин **мен** қидириб юргани йўқ. Демак, мен қўй эмасман.

П р о т е й

Овқат учун қўй чўпонга эргашади, аммо чўпон овқат деб қўйга эргашмайди. Сен ҳақингни олиш учун хўжайнингнинг орқасидан кетяпсан, аммо хўжайнин, пул деб сенинг орқангдан бормайди. Демак, сен қўйсан!

С п и д

Яна битта шунаقا исбот топилса мен «маал» деб, маърашга тайёрман.

### Протей

Бўлти. Хўш, қани, айт-чи, Жулияга хатимни бердингми?

### Спид

Бўмасам-чи, синъор. Мен у билан, яъни хатингиз билан жуда ҳам қалавамни йўқотиб қўйдим. Шундай қилиб мен, яъни боши айланган қўй, хатингизни бурма кўйлак кийган қисир қўйга топширдим. Аммо бурма кўйлак кийган қисир қўй, мен боши айланган қўйга ҳеч нарса бергани йўқ.

### Протей

Сен шунча қўй ҳайдаб келдингки, уларга яйлов ҳам торлик қилади.

### Спид

Мабодо яйлов торлик қилиб қолса, қўзичоғингизни сўя қолмайсизми?

### Протей

Э, нафасинг ўчгур! Ниятини қаранг-а! Хўб, бўлти. Хўш, қўй учун ўз оғилига қараб жўнаб қолиш пайти келмадимиқан?

### Спид

Оғилдан эмас, пулдан гапиринг, тўрам. Мен жўнашим керак эмас, балки ҳамёнимга қараб сиз пул жўнатишингиз керак.

Протей

Оғил деб кулбангни айтяпман.

Спид

Шундай қилиб, сиз менинг ҳамёнимга пул солиш ўрнига, ўзимни оғилга тиқмоқчимисиз? Унақа бўлса таннозингизни ахтариб, беҳуда иш қилган эканиман-да!

Протей

Гапир, нима деди жонон?

Спид бош қимиранатади.

Бош қимиранатди, дейсанми, галварс?

Спид

Ҳа.

Протей

Нима — ҳа? Галварс деганимга, деяпсанми?

Спид

Иўқ, синъор. Мен жонон бош қимиранатди, деяпман. Сиз, жонон бош қимиранатдими, деб сўрадингиз, мен эса, ҳа, деб жавоб бердим.

Протей

Унинг ўрнига, сен галварс, деган маъно чиқиб қолди.

## Спид

Агар сиз, бу ҳақиқатни менга айтиш вазифасини ўз зимманигизга олган экансиз, хизматингиз эвазига уни мукофот қилиб ўзингиз ола қолинг.

## Протей

Иўқ, ўзингга буюрсин хатимни олиб бориб берганинг учун.

## Спид

Ҳа, бўлти, кўриб турибман, сиздан ҳали кўп дакки ейдиганга ўхшайман.

## Протей

Хуш, синъор. Мендан қанақа дакки емоқчисиз?

## Спид

Эҳ, синъор. Мен ҳалол хизмат қилиб, хатингизни олиб бориб бериб, эвазига фақат «галварс» деган ном олдим.

## Протей

Онт ичаман, ақлинг жуда югурикка ўхшаб қолди.

## Спид

Аммо, бари бир, сизнинг қимиirlайдиган ҳамёнигини қувиб етолмайди.

## Протей

Бўлди, бўлди, бекорга кўп вайсама. Ахир, аникроқ айтсанг-чи, нима бўлди жоонон?

## С п и д

Аввал ҳамёнингизни очинг: унинг жавоби ва сизнинг пулингиз маррага баравар етиб келишсин.

## Протей

Яхши, синьор, мана хизмат ҳақингиз. Хўш, гўзалимима деди?

## С п и д

Гапнинг пўскалласини айтганда, у гўзал жанобларига тегмайдиганга ўхшайди.

## Протей

Нега, бирор нарса сездингми?

## С п и д

Синьор, мен ҳеч нарса сезганим йўқ, ҳатто ҳатинингизни унга етказганим учун мукофот қилиб берилиши лозим, бўлган қора чақани ҳам сезганим йўқ. Модомики, у пари-пайкар, қалбингизнинг бир парчасини унга етказган одамни бир пулга олмаган экан,— қалбингизни ҳам бир чақага олмаса керак, деб қўрқаман. Унга тошдан бўлак нарса ҳадя қила кўрманг, у пўлатдан ҳам қаттиқ.

## Протей

Шундай қилиб ҳеч нарса демадими?

## С п и д

Йўқ, ҳатто, «мана хизмат ҳаққинг», ҳам деганий йўқ. Ҳимматингизга қойилман, мана, берган олти пени

са чақанғиз гувоҳ, сиздан беҳад миннатдорман. Бундан буён хатни ҳам ўзингиз олиб борингу ҳадясини ҳам ола қолинг, мен эса, синъор, сизнинг саломингизни хўжайинимга етказа қолай.

### Протей

Қани, жўна! Сен кемага тушган заҳоти  
Кема дарҳол ғарқ бўлишдан халос бўлади.  
Сувга чўкиб әмас, бир кун дорда ўласан!

С п и д кетади.

Хат ташишга бошқа бирон одам топаман.  
Бу гўрсўхта масхарабоз менинг хатимни,  
Саломимни топширганда, гўзал Жулия  
Үндан фақат кулгангина бўлиши мумкин.

(*Кетади.*)

### ИҚКИНЧИ САҲНА

Верона. Жулияннинг боғи.

Жулия билан Лючетта киради.

### Жулия

Айт, Лючетта, иккимиздан бўлак ҳеч ким йўқ:  
Сен маслаҳат берасанми, бироғни сев, деб?

### Лючетта

Ҳа, албатта, вақти келган. Аммо қоқилманг.

### Жулия

Суҳбат ва ўйин билан мени овутиш  
Учун келган ҳисоби йўқ зодагонларнинг  
Қай бирини танла, сенинг фикринг қанақа?

**Лючетта**

Сиз уларнинг номларини бирма-бир айтинг,  
Мен ҳам сизга жавоб қиласай ақлим етганча.

**Жулия**

Эгламурдан гап бошлайлик, хўш, нима дейсан?

**Лючетта**

Ҳаммасидан гўзал, гапдон, хушмуомала,  
Аммо сизга куёвликка ярамайди у.

**Жулия**

Меркацио қалай экан? Пули кўп, сахий.

**Лючетта**

Пули ачиб ётибди-ю, бироқ ақли кам.

**Жулия**

Хўш кимни — ё олижаноб Протейними?

**Лючетта**

Кечирасиз, мендай овсар, жағи очиқни!

**Жулия**

Сени? Нега кечираман? Бу бўлмағур гап!

**Лючетта**

Тил ҳамма вақт бир балога дучор қиласади.  
Менинг учун муносабми? Менинг ишимми

Ман-ман деган синьорларни ёмонлаш, ахир.

**Жулия**

Протей ҳам бошқалардан афзал эмасми?

**Лючетта**

Ҳа, сиз учун фақат ўша — ягона куёв.

**Жулия**

Исбот қилиб берасанми?

**Лючетта**

Аёлчасига.

Ҳаммасидан сара, менга ёқади, демак.

**Жулия**

Хўш, ўшанга берайинми кўнглимни?

**Лючетта**

Шаксиз.

Ишонаман, муҳаббатни ерга отмассиз?

**Жулия**

Аммо, фақат, дилга ўша ларза солмайди.

**Лючетта**

Фақат ўша берар сизга бутун қалбини.

Жулия

У ҳеч қачон севгисидан сўз очган эмас.

Лючэтта

Қанча чуқур яширинса ўт, тафти шунча зўр.

Жулия

Севмас, кимки қўрқса агар севги сўзидан.

Лючэтта

Севмас, кимки севгисини айтмоққа шошса.

Жулия

Қандоқ қилиб билсам экан қалбида не бор?

Лючэтта

Мана, хат бор, ўқиб кўринг, марҳамат қилиб.

(Унга хат беради.)

Жулия

«Жулияга». Қим ёзибди?

Лючэтта

Ўқинг, биласиз.

Жулия

Айт, Лючэтта, бу мактубни сенга ким берди?

## Лючетта

Валентиннинг хизматкори Спид келтирди.  
 У Протей томонидан келар экан, мен  
 Тасодифан учраб қолдим. Кечиринг мени,  
 Номингизга келган хатни рухсатсиз олдим.

## Жулия

Онт ичаман, ҳалоллигим, ҳақи, сен, билсанг,  
 Қўшмачисан! Қандай қилиб ишқий мактубни  
 Оддинг! Нима, ёшлигимдан фойдаландингми?  
 Ҳақиқатан арзидиган хизмат! Афтидан,  
 Сенга жуда муносибга ўхшайди. Тездан  
 Хатни олу эгасига жўнат ва ё ким  
 Бундан буён кўзларимга кўринма! Жўна!

## Лючетта

Муҳаббатинг ҳомийсини шунча койишми?

## Жулия

Жўна!

## Лючетта

Кетдим, аммо сиз бир ўйлаб кўринг.

(Кетади.)

## Жулия

Хатни олиб ниҳоятда ўқигим келур.  
 Аммо қайтиб Лючеттани чақириш уят.  
 Ундан узр сўраш оғир койиганимга,  
 Ҳар ҳолда у ўтакетган бефаҳм, тентак,  
 Мен — қиз бўлсам, ахир пича ноз қилмайинми?

У-чи, мени мажбур қилиб, ўша мактубни  
 Ўқитиши керак эди. Қизнинг лабида  
 «Йўқ» деган сўз замираид «ҳа» сўзи яширин.  
 О, муҳаббат! Худди қайсар гўдакка ўхшаб  
 Энгагини тишлайдио даррани ўпар.  
 Лючеттани ҳайдадиму аммо аслида,  
 Ёнгинамда қолишини жуда истардим!  
 Қовогимни солдим, аммо юрагим шу он  
 Ҳисоби йўқ севинч билан кулиб боқарди.  
 Лючеттани чақирайнин, ўзимга ўзим  
 Жазо бериб, ҳамда ундан узр сўрайин.  
 Ҳой, Лючетта!

Лючетта киради.

### Лючетта

Шу ердаман. Хизмат, маликам.

### Жулия

Тушлик қачон?

### Лючетта

Бахтга қарши анча бор ҳали.  
 Бўлмаса сиз қорнингизни мени койибмас,  
 Балки ширин таом билан тўйғазардингиз.

### Жулия

Шошиб ердан нима олдинг?

### Лючетта

Хеч нарса эмас.

**Жулия**

Ундей бўлса нега ерга энгашдинг, гапир?

**Лючетта**

Ҳа, қўққисдан тушиб кетди қўлимдан қоғоз.

**Жулия**

Хўш, қанақа қоғоз экан, билиш мумкинми?

**Лючетта**

Ҳа, шунчаки қоғоз, менга алоқаси йўқ.

**Жулия**

Ундей бўлса тегма, кимга тегишли бўлса  
Ўша олсин, бу қоғозни.

**Лючетта**

Гапингиз тўғри,  
Тўғри сўзни тўғри талқин қилувчиларнинг  
Юрагига ларза солиб ўйнатар бу хат.

**Жулия**

Сенга атаб шеър битибди ўша жазманинг.

**Лючетта**

У шеърни қўшиқ қилиб айтишлик мумкин.  
Куйга солинг, сиз бу ишга жуда моҳирсиз.

Жулия

Меҳнатимга арзимайди бундай майда гап.  
«Севги нури» деган кўйга солиб айтиб кўр.

Лючетта

Аммо шеър жуда оғир, оҳанг-чи, ўйноқ.

Жулия

Ха, хўш, нима, сўзларига тош боғлаганими?

Лючетта

Сиз айтсангиз, кўп ёқимли эшитиларди.

Жулия

Ха, сен, нима, айтмайсанми?

Лючетта

Жуда ҳам баланд.

Жулия

Хатни узат, э мугомбири!

(Хатни олади.)

Узим эплайман.

Лючетта

Тўғри оҳанг топа билинг, ўшанда қўшиқ  
Жозибадор жаранглайди, ҳозир сиздаги  
Оҳанг жуда ҳақиқатдан узоқ, қалбаки.

**Жулия**

**Кўп дағалсан!**

**Лючетта**

Бу қўшиқни жўр бўлиб айтинг,  
Мадад берсин товшингизга ўзга бир товуш.

**Жулия**

Ҳамма ишни бузар сенинг дағал овозинг.

**Лючетта**

Мен Протей учун хизмат қилмоқчиман!

**Жулия**

Бас!

Ишқий оҳлар, эътирофлар...

*(Хатни йиртади.)*

Кул парча бўлсин!  
Майли, ерда тўзгиб ётсин, Лючетта, жўна.  
Сен уларни йигиб олма, ғазабланаман.

**Лючетта**

Вой, танноз-ей! Ич-ичидан жон деб турибди,  
Яна битта хат келсао яна дод деса.

*(Кетади.)*

**Жулия**

Хат учун мен ҳатто бир гал нолиганимидим?  
Э, сиз менинг шафқат билмас, жаллод қўлларим,

Нега йиртиб ташладингиз севги сўзларин?  
 Худди, аввал болни сўриб, сўнг боларини  
 Бўғиб чақдан қовоқ ариларга ўхшайсиз.  
 Гуноҳимни ювиш учун ҳар парча хатни  
 Улиб-ўпиб кўзларимга сураман энди.  
 Уятмасми? «Жулияхон» деб ёзибди-я!  
 Ношукурлик қилганим учун «Жулия»  
 Деган номни газаб билан тошга ураман!  
 Ва ҳавоий гуруримни топтайман ерга!  
 Қаранг: «Севги яралаган шўрлик Протей».  
 О, нақадар ёқимлисан яраланган ном!  
 Токи яранг тузалгунча кўкрагимда ёт,  
 Бўсам билан оғриғингни енгиллатайин.  
 Протейнинг номи уч бор айтилмиш бунда.  
 Мен ҳарф-баҳарф йиғиб олай бутун мактубни.  
 О, шўх сабо, олиб қочма битта сўзни ҳам,  
 Фақат ундан «Жулия»нинг номи мустасно.  
 Эй, сен, бўрон, уни қирғоқ қоясига ур,  
 Сўнг юксакдан улоқтиргил денгиз қаърига!  
 Ҳа, ҳа! Мана! Бир сатрда номи икки бор  
 Такрор бўпти: «Ошиқ Протей, ғамгин Протей».  
 «Жулияжон!»— мен бу сўзни йиртиб ташлайман...  
 Йўқ, йўқ, ҳеч ҳам! Ахир, қаранг, номларимизни  
 Бир-бирига жуда гўзал қилиб қўшибди!  
 Яхшиси мен бу номларни бирга тахлайин:  
 Жанжаллашиб, қуchoқлашиб, ўпишиб ётсин.

Лючетта киради.

### Лючетта

Бекам, овқат тайёр бўлди. Отангиз сизни  
 Кутмоқдалар.

### Жулия

Хўп, бораман, ҳозир, Лючетта.

**Лючетта**

Хўш, бу қоғозпарчалари ётаверсинми,  
Бизни қўлга туширгали?

**Жулия**

Йигиб ола қол.

**Лючетта**

Анови гал олганимда жаҳлингиз чиқкан.  
Ҳа, майлига, ола қолай, яна бу ерда  
Шамоллашиб қолишмасин.

**Жулия**

Кўриб турибман,  
Ҳаётнинг ҳам қизиги йўқ сенга уларсиз.

**Лючетта**

Кўриб туриб қасдан шундай деяпсиз. Мен ҳам  
Кўр эмасман, жуда яхши кўриб турибман.

**Жулия**

Қетдик, қетдик, Юрмайсанми, қачон юрасан?

**Кетишади.**

## УЧИНЧИ САҲНА

Верона. Антонионинг уйнданги хоналардан бури. **Антонио**  
билин **Пантино** киришади.

**Антонио**

Хўш, Пантино, қандай муҳим гап билан сизни  
Менинг иним монастирда ушлаб ўтириди?

**Пантино**

Гап ўғлингиз Протейга тегишли эди.

**Антонио**

Хўш, у сизга нима деди?

**Пантино**

Ҳайронман, акам

Нега ахир индамайди, ўғли умрини  
Уйда бекор ўтказмоқда, яхшимас, деди.  
Ваҳоланки, баъзи таги пастроқ зотлар ҳам  
Ўз ўғлини дунё, шуҳрат ортидан йўллар.  
Бирор — жангга, омадини синааб кўрсинг, деб,  
Бирор — янги ер топсин, деб йўллар дентизга,  
Бирор — йўллар университет, фан эхромига.  
У дедики, юқорида зикр қилинмиш  
Ҳамма ишнинг уддасидан чиқар Протей.  
Кўп илтимос қилди мендан, акамга айтинг,  
Бундан буён ўғли уйда ўтирмасин, деб.  
Ещлигимда кенг дунёни кўрмабман дей,  
Қариганда афсус қилиб юрмасин, деди.

### Антонио

Менга ҳадеб тушунтирма, бу гапларни мен  
Бир ой бўлди, қулогига қўйиб юрибман.  
Ҳа, биламан, умри бекор ўтмоқда унинг.  
Қимки ҳаёт мактабини ўтмаса агар,  
Унинг дили очилмайди, ақли тўлишмас.  
Фақат меҳнат билан қўлга кирап тажриба,  
Уни эса балоғатга етказади вақт.  
Хўш, ўғлимни қайга йўллай, маслаҳат бергил?

### Пантино

Ўйлайманки, жаноблари билсалар керак,  
Еш Валентин, Протейнинг дўсти, яқинда  
Пойтахтга келган эди, ҳозир герцогнинг  
Хузурида хизматдадир.

### Антонио

Ҳа, хабарим бор.

### Пантино

Ўғлингизни сиз ҳам тўғри саройга йўлланг.  
Қаҳрамонлик ҳунари, хушмуомалалик,  
Сўзамоллик санъатини ўрганиб қайтсин.  
Суҳбат қуриб олий мансаб аъёнлар билан  
Аслзода қандоқ бўлур, кўриб келади.

### Антонио

Маслаҳатинг жуда яхши. Менга ҳам маъқул.  
Бу гапингни ошираман тездан амалга.  
Ҳа, хонаси келиб қолса, шу заҳотиёқ  
Уни герцог саройига йўллайман, шаксиз.

## Пантин о

Журъат қилиб яна бир гап айтай: эртага  
 Дон Альфонсо ва у билан яна бир неча  
 Аслзода жўнашмоқчи Миланга, шахсан  
 Улур герцог саройида хизмат қилгали.

## Антонио

Жуда ҳам соз, ўғлим учун лойиқ улфатлар.  
 Буюраман! Борсин, оқ йўл тилаб қоламиз!

Протей киради.

О, нурли кун! О, дилрабо, ширин сатрлар!  
 О, муҳаббат қудратига иқрор бўлган ёр!  
 Бунда унинг қўли билан қалби сўзлайди.  
 Бунда қизлик ори билан ичилган қасам.  
 Қани энди фатво бериб оталаримиз,  
 Тўй қилсаю бахтимизни қўшиб қўйсалар!  
 О, Жулия, юрагимни забт этган малак!

## Антонио

Ўғлим, айт-чи, қўлингдаги қанақа мактуб?

## Протей

Оҳ, отажон, Валентиндан сизга саломлар.  
 Бу мактубни менга бир дўст келтириб берди.

## Антонио

Қани, хатни менга бер-чи, нима ёзибди?

## Протей

Хатида у бир нарсани, баҳтиёрлигин,  
Уни қандай севишганин, ҳамда герцогнинг  
Яхши қабул қилганини ёзибди, мени  
Чақирибди, толеимни баҳам кўргил, деб.

## Аntonio

Хўш, сен унинг таклифига розимисан, айт?

## Протей

Мен дўстларнинг тумтарақай хоҳишигамас,  
Фақат сизнинг амрингизга бўйин эгаман.

## Аntonio

Ҳа, хоҳиши тўғри келди қарорим билан.  
Ҳайрон бўлма, мен бир қатъий қарорга келдим.  
Хоҳишим шу! Қарорим шу, тамом-вассалом!  
Сен герцогнинг саройида Валентин билан  
Бирга меҳмон бўлиб хийла яшашинг керак.  
Унга қанча пул юборса унинг отаси  
Мен ҳам сенга шунча маош тайин қиласман.  
Ҳа, сафарга ҳозирлик кўр, тонгда жўнайсан!  
Қарорим шу, қаршиликка ўрин йўқ асло!

## Протей

Синьор, ахир фурсат оз-ку, улгуrolмайман.  
Бир-икки кун кечикитиринг, сўрайман сиздан.

## Аntonio

Орқангдан тез жўнатаман лаш-лушларингни.  
Ҳа, гап тамом, эрта билан жўнайсан, ўғлим.  
Сизга эса, Пантино, мен сафар жабдурии  
Тайёрлашни топшираман, кечикманг. Кетдик.

Аntonio билан Пантино кетади.

## Протей

Ёнмайин деб алангадан қочган эдим мен,  
 Чўкмакдаман энди қулаб денгиз қаърига.  
 Яна исён қилмасин деб севгимга қарши,  
 Хатни унга кўрсатишдан қўрқувдим, мана,  
 Кўрқоқларча яширганим учун севгимни,  
 Энди ўзим унга қарши кўтардим исён.  
 О, нақадар ўхшаб кетар севги баҳори  
 Ўзгарувчан ва беқарор апрель ойига,  
 Эндигина олтин қуёш чарақлаганда  
 Бирдан кўкни қора булат қоплаб олади.

Пантин о киради.

## Пантин о

Синьор Протей! Иўқламоқда отангиз сизни.  
 Қовоғидан қор ёғмоқда! Марҳамат, тезроқ.

## Протей

Юрак энди нима қилсин? Бир марта «хўп» деб  
 Юз минг карра «йўқ» деб жавоб беришга  
 тайёр.

Кетадилар.

## ИҚҚИНЧИ ПАРДА

### БИРИНЧИ САҲНА

**Милан,** герцог саройидаги бир хона.

**Валентин** билан **Спид** киради.

**Спид**

*(қўлқопни чўзиб)*

**Синьор,** қўлқоп сизникими?

**Валентин**

Иўқ, кўзинг кўрми?  
Мана менинг қўлқопларим — қўлимда.

**Спид**

Тўғри.  
Бу эса бўш. Эсизгина, сизники эмас.

**Валентин**

Қани кўрсат! Ҳа, меники! Менга бер уни!  
Бу илоҳий, нозик қўлнинг гўзал қўлқопи!

Спид

(бақириб)

Сильвия! Ҳо, Сильвия!

Валентин

Нега бақирасан, тентак?

Спид

Бари бир у эшитмайди, синьор.

Валентин

Уни чақир, деб, синьор, сендан ким сўради?

Спид

Ҳа, ўзингиз чақирдингиз-ку, тўрам, ё чатоқ эшитдимми?

Валентин

Ҳамма вақт илгарига қараб чопишни яхши кўрасан.

Спид

Ахир сиз ўзингиз кечагина менга, бунча имиллайсан, демабмидингиз?

Валентин

Қорангизни ўчиринг, синьор, ҳа айтгандек, сен Сильвияхонимни биласанми?

**С п и д**

**Жаноблари ишқига мубтало бўлган аёлними?**

**В а л е н т и н**

**Мен уни севганимни қаёқдан биласан?**

**С п и д**

Тубандаги белгилар бўйича: биринчидан, сиз ҳам синъор Протейга ўхшаб, қўлларингизни кўксингизга қовуштириб, гўё сизга ҳаётнинг қизиги йўқдай, тикилиб туришга; булбулга ўхшаб севги қўшиқларидан завқланишга; дарди кўп одамдек ёлғиз дайдиб юришга; Алифбесини йўқотиб қўйган мактаб боласидек хўрсинишга; бувисининг мозорида нола қиладиган қизга ўхшаб йиғлашга; парҳезда ўтирган касалдек ҳеч нарса емасликка; ўғридан қўрқсан бойдек кечалари ухламасликка; қўлга тушган гадойдек дўнғиллашга ўрганиб қолдингиз. Илгарилари, кулганингизда, худди хўроz қичқирияти деб ўйлаш мумкин эди. Сиз, илгари имиллаб эмас, худди томошага чиққан арслондек мағур қадам ташлардингиз. Сиз овқатдан сўнг фақат бир соатгина таом емасдингиз. Сиз фақат пул йўқлигидагина қайғураддингиз. Ҳозир эса севгилингиз сизни шунчалик ўзгартириб қўйганки, қараб туриб таниёлмайман: менинг хўжайинимми, ё бўлакми, деб ўйлайман.

**В а л е н т и н**

**Наҳотки шунчалик сеъилса?**

## С п и д

Үзингиздан бўлак ҳаммага равшан.

## В а л е н т и н

Мендан бўлак? Мумкин эмас.

## С п и д

Ҳа, сиздан бўлак! Бу эзгу ҳақиқат, чунки бу ёруз жаҳонда иккинчи шунаقا ландовурни топиш муш кул. Бу бемаъниликлар табиатингизни шунча тўлдир ворганки, минут сайин тошиб кетиб, тўкилишга тайёр. Сизга назар солсам, улар худди тунги идишдаги сийдикдай баданингиздан барадла кўриниб турарди. Бинобарин, сизга врач бўлиш ва дардингизни билиш учун фақат кўз керак, холос.

## В а л е н т и н

Хўш, қани, айт-чи, сен менинг Сильвиямни билансами?

## С п и д

Ўша, сиз, кундузги овқат чоғида ҳам, кечки таом пайтида ҳам кўзингизни узмайдиган аёлними?

## В а л е н т и н

Сен буни сезувдингми? Ҳа, ҳа, худди ўшани.

## С п и д

Иўқ, синъор, мен бу аёлни танимайман.

**Валентин**

Қандай қилиб, у аёлдан кўзимни ололмаслигимни биласану ўзини билмайсанми?

**Спид**

Ҳалиги, бутун саройдаги хоҳимлардан ўзининг хунаклиги билан ажралиб турадиган аёлми?

**Валентин**

Аксинча, дўстим, у бошқалардан гўзаллиги билан ажралиб турди. Яна бошқа фазилатлари билан ҳам...

**Спид**

Ана, худди ўшанисини биламан, синъор.

**Валентин**

Нимани биласан?

**Спид**

Уни бошқалардан ажратиб турган нарса фақат гўзаллик эмас, балки жанобларининг муруввати.

**Валентин**

Гап унда эмас. Мен демоқчиманки, унинг гўзаллиги фавқулодда, бошқа фазилатлари эса беҳисоб.

**Спид**

Ҳа-да, албатта, унинг гўзаллиги бўяма гўзаллик, бошқа фазилатларини эса ҳали ҳеч ким ҳисоблаб кўргаёт эмас.

## Валентин

Нега бўялган дейсан? Ҳеч ким ҳисоблаб кўрмаган деганинг нимаси?

## Спид

Ҳа, худди шунаقا, синьор. Чиройли бўламан деб башарасига роса упа-элик чаплаган, бунаقا гўзаликни ҳеч ким писанд қилмайди.

## Валентин

Сен мени ким деб ўйлайсан? Мен унинг гўзаллигидан ҳайратдаман.

## Спид

Сиз уни тамом ўзгариб кетгандан кейин ҳеч ҳам кўрганингиз йўқ.

## Валентин

Ҳа, қачон ўзгариб кетган?

## Спид

Сиз унга ошиқ бўлганингизда.

## Валентин

Мен ўни кўрганимдан бери ошиқман ва кўриб юрибман, ҳали ҳам илгаригидай гўзал.

## С п и д

Агар сиз уни севсангиз, уни кўролмайсиз,

## В а л е н т и н

Бу нима деганинг?

## С п и д

Бу шу деганимки, муҳаббатнинг кўзи кўр бўлади.  
О, сизда менинг кўзларим бўлармиди? Қани, энди,  
кўзингиз ҳали ҳам, бир вақтлар пайпогини боғламага-  
ни учун синъор Протейни койиган пайтингиздагидек  
ўткир бўлса!

## В а л е н т и н

Ҳа, у вақтда нимани кўрардим?

## С п и д

Ташқи қиёғангизнинг бемаънилигини кўрардингиз  
ва бир йўла унинг хунуклигига назар ташлардингиз.  
Синъор Протей муҳаббатга мубтало бўлган чоғда,  
пайпогини боғламай ташқарига чиққанини кўрмаган  
экан, сиз эса шимингизни киймай чиққанингизни ҳам  
кўрмаяпсиз.

## В а л е н т и н

Ундан бўлса, ошнам, афтидан, сен ҳам ошиқ бўлиб  
қолганга ўхшайсан: бугун эрталаб кўзингни шира бо-  
сиб, ботинкаларимни тозалаб қўймабсан.

## С п и д

Тўғри айтасиз, синъор. Мен ўзимнинг тўшагимга  
oshiq эдим. Раҳмат, сиз калламдан муҳаббатимни қо-

қиб ташладингиз. Бу эса менга сизни ҳам муҳаббатингиз учун койишга журъат бағишлийди.

### Валентин

Сен мени қанча койима, барі бир мен Сильвияга мафтунман, уни беҳад севаман.

### Спид

Қандоқ яхши бўларди айнисангиз, у ҳолда севги ҳам тугарди.

### Валентин

Кечаки у менга, ўз қалбига яқин бир одамга атаб бир неча сатр хат ёзишни буюрди.

### Спид

Ҳўш, ёздингизми?

### Валентин

Ездим.

### Спид

Яхшилаб ёздингизми?

### Валентин

Дўстим, яхшилаб ёзишга ҳаракат қилдим. Жим...  
Уша келяпти!

**Спид**

(чеккага)

Ана холос! Ана сенга қўрчоқвозлиқ! Демак, у, гўзалинг бутун ролини, унинг номидан гапириб беради.

**Сильвия** киради.

**Валентин**

Э, синьора, бекам, сизга минг карра хайрли эрта!

**Спид**

(чеккага)

Бирваракайига хайрли кеч ҳам деяверинг. У вақтда минг эмас, миллион карра илтифот кўрсатилади.

**Сильвия**

Синьор Валентин, менинг мулоғимим, сизга икки минг карра хайрли эрта!

**Спид**

(чеккага)

Хўжайнин хонимга қуюқ салом берди деб ўйласам, хоним ундан ҳам оширди-ку!

**Валентин**

Мен, номлари айтилмаган дўстнингиз учун,  
Гиз айтгандек, номингиздан хат ёзиб қўйдим.

Мен бу ишни ишорликдан қилдим, шунчаки,  
Зиммамдаги вазифамни бажардим, бекам.

(Сильвияга хатни беради.)

### С ильвия

Раҳмат сизга, менинг яхши мулоғимим!  
Жуда ҳам соэ!

### Валентин

Гапларимга ишонинг, бекам,  
Кўркўона, номи маълум бўлмаган шахсга  
Мактуб ёзиш жуда оғир, шубҳам бор эди.

### С ильвия

Ишингиэни ҳаддан ортиқ демоқчимисиз?

### Валентин

Йўқ, синьора, мен бу хатни сиз учун ёздим.  
Буюрсангиз, юзлаб мактуб ёзуб ташлайман.  
Ва ҳар ҳолда...

### С ильвия

Жумлаларни яхши тузасиз.  
Кўп иуқталар давомида нима борлигин  
Биламану индамайман. Ишим йўқ асло.  
Майли, хатни ола қолинг. Ташаккур сизга.  
Бундан буёң иш буюриб азоб бермайман.

(Унга хатни қайтариб беради.)

**С п и д**

**(чеккага)**

Ҳа, қийнайсан, кўп қийнайсан, роса қийнайсан!

**В а л е н т и н**

Тушунмадим. Бу хатимдан норозимисиз?

**С и л ь в и я**

Иўқ, хатингиз жуда яхши ёзилган. Аммо,  
Агар уни ночорликда ёзган бўлсангиз  
Қайтиб олинг, ўзингизга ҳавола қилдим.

**В а л е н т и н**

Ахир бу хат сизники-ку, синьора!

**С и л ь в и я**

Иўқ, иўқ.  
Мен сизга хат ёзинг, дедим, аммо менга у  
Керак эмас. У бутунлай сизники, олинг.  
Истардимки, оташнироқ қалб ўтиң ғезсам.

**В а л е н т и н**

Рухсат этинг бўлмаса, мен бошқа хат ёзай.

**С и л ь в и я**

Аммо менинг учун ёзиб, ўзингиз ўқинг.  
Агар ўқиши сизга шодлик бағишиласа — соз,  
Агар шодлик бахш этмаса — ундан ҳам яхши.

Валентин

Үйланманки, хурсанд қилур, у ҳолда нима?

Сильвия

У ҳолда иш эвазига оласиз уни.

(Кетади.)

Спид

Топишмоққа ўхшаб кетган хуфя бир ўйин!  
Худди бурун башарага яширингандек!  
Хўжайиним уни бир оз мулла қилмоқчи.  
Аммо уни ўйнатмоқчи унинг шогирди.

Валентин

Нима гап, синьор, нима деб ўзингиз билан ўзингиз  
гаплашяпсиз?

Спид

Ҳа, мен, шунчаки лақиллаяпман, сиз эса ўйлаб  
кўришингиз керак.

Валентин

Нима ҳақда?

Спид

Сильвия хонимга совчи бўлиб хизмат қилишингиз  
ҳақида.

**Валентин**

Совчи? Кимга совчилик қилибман?

**Спид**

Үзингизга ўзингиз. Хоним ажойиб бир йўсинда сизга совчи юборяпти.

**Валентин**

Ажойиб йўсинда?

**Спид**

Тўғрироғи, хат орқали.

**Валентин**

Қандай қилиб? У менга ҳеч қанақа хат ёзгани йўқ-ку?

**Спид**

Ҳа, ахир сиз ўзингизга ўзингиз хат ёзиб турганда, у нега ҳам ёзсин? Ҳали ҳам фаҳмлабанингиз йўқми?

**Валентин**

Ишон, ҳеч ҳам.

**Спид**

Мен, синъор, сизга сира ишонгим келмайди. Ахир у жуда жиддий гапирди-ку, наҳотки сеzmаган бўлсангиз?

Валентин

Мен фақат унинг ғазабланганингина сездим.

Спид

Хўш, хатни сезганингиз йўқми?

Валентин

Ахир хат унинг дўстига ёзилган-ку.

Спид

Аммо сизга топширилди. Фаҳмладингизми?

Валентин

Сен ўйлагандан кўра ҳам ёмонроқ бўлиб чиқмаса  
деб қўрқаман.

Спид

Мен яхши бўлиб чиқишига кафилман.

Сиз унга кўп хат ёзингиз, аммо у қўрқиб  
Ва одобдан сизга жавоб қилолгани йўқ.  
Пок қизларнинг одати шундай азалдан!

Мен бор гапни айтяпман, негаки, бу гап бир ки  
тобда ёзилган. Хўш, нега хаёл суриб қолдингиз  
синъор? Овқат вақти бўлди.

Валентин

Мен овқатсиз ҳам жуда тўқман.

**С п и д**

Аммо бир гапни айтиб қўйай, синъор, қулоқ солинг. Агар мұҳаббат, бу ўша турланадиган буқаламун ҳаво билан озиқланса, мен овқат билан озиқланаман ва шу топда жуда катта иштаҳа билан таом ейиши истардим. Севгилингизга ўхшаманг-да: ҳа, ахир менинг ғалтижоларимга ҳам қулоқ солинг-да. Нолала-римга қулоқ солинг!

**И к к а л а с и ҳ а м к е т а д и .**

**ИККИНЧИ САҲНА**

Верона. Жулиянинг уйи.

**Протей билан Жулия киради.**

**Протей**

Бир озгина сабр қилинг, жоним Жулия.

**Жулия**

Ҳа, бари бир бошқа илож йўққа ўхшайди.

**Протей**

Бир оз имкои бўлдими, тез қайтиб келаман.

**Жулия**

Ҳа, ваъдага вафо қилиб барвақтроқ қайтинг. Буни олинг, Жулиядан ёдгор бўлсин.

*(Унга узук беради.)*

## Протей

Алмашайлик. Мен ҳам сизга узук бераман,

(Унга узук беради.)

## Жулия

Бұса билан бу қарорға мұхр босайлик.

## Протей

Мана құлым, мен аҳдимға содиқман мудом.  
Агар бир күн, бир соат ҳам, сени соғиниб,  
Оқ урмасам, осий билиб бошимға осмон—  
Истаганча ғазабни ёғдирсін. Ҳозирча хайр!

Жулия кетади.

Кетди? Бир оғиз ҳам сүз айтмасдан-а?  
Ха, мұхаббат шунақа-да, товушсиз, унсиз.  
У сүзламас, амалда ўз ифодасини  
Топа олур.

Пантинो киради.

## Пантино

Синьор, сизни изламоқдалар.

## Протей

Ҳозир, ҳозир. Эх, мұхаббат, хайрлашув өғи  
Сениңг тилинг ошиқларға хиёнат қилур.

Кетишади.

## УЧИНЧИ САҲНА

Верона. Құча.

Ланс кучуги билан киради.

Йўқ, йўқ, мен яна бирор соат йиғлайман. Бутун оиласизнинг шунақа касали бор. Отам менга — дайди ўғилга — ҳиссамни бўлиб берди, мана, энди мен Милан герцогининг саройига бораман. Дунёдаги ҳамма итлардан энг феъли ёмони менинг Кребим. Онам йиғлади, отам ўкирди, синглим тинмай ёш тўқди, ошпазимиз ҳиқиллади, мушугнимиз аламига чидолмай бигиллади, уйимиэ даҳшатга тўлди. Аммо бу бағри тош кўппак кўзидан бир қатра ҳам ёш оқизмади. У тош йўлда ётган ўтакетган қаттиқ тош, унинг юрагидаги шафқат оддий итникидан кўп эмас. Қай алғозда хайрлашганимизни кўрса, ҳатто яхудий ҳам йиғларди. Нимасини айтасиз! Ҳатто мен билан ажралиш пайтида йиғлай-йиғлай бувимнинг кўзи оқиб тушди. Мен ҳозир сизга бу манзарани тасвир қилиб бераман. Манави кавуш — менинг отам. Йўқ, манави чап кавуш — менинг отам. Йўқ, йўқ, чап кавуш бу, менинг онам. Яна тўғри келмади. Балки тўғридир. Ҳа, худди шунақ! Манави кавушнинг таги тешик. Демак, мана бу тешик кавуш менинг онам, буниси эса — менинг отам. Э, жин урсин, яна тўғри келмади. Йўқ, ҳаммаси жойида. Манави таёқ — менинг синглим. Кўрдингизми у нилуфардек оппоғу қамишдек енгил. Мана бу шляпа — ошпаз аёлнимиз Нэн. Мен эса — итман. Йўқ, ит — ит. Йўқ, мен итнинг ўрнида. Ана холос, демак, ит — менман. Йўқ, мен ўзим — ўзимман. Ана энди ҳаммаси жойида. Мана мен отамнинг олдига бораман: «Ота, менга оқ йўл тиланг». Кавуш бир оғиз ҳам сўз айтломайди, нуқул йиғлайди. Мана мен отамни ўпаман. У эса йиғлагани-йиғлаган. Энди онамнинг олдига бораман. О, кошки бу кавуш, алам-

дан боши айланган аёлдек гапиролса. Мана мен онамни ўпдим. Ҳа, бу ўша онам, онамнинг нафасини сезиб турибман. Ана, энди сингил. Ноласини өшитяпсанми? Ҳолбуки, манави ит бир томчи ҳам ёш тўккани йўқ, бир оғиз ҳам гапиргани йўқ. Ҳатто бу вақт ичидагүз ёшимдан қум ҳам ҳўл бўлди.

**Пантинो киради.**

### **Пантино**

Тезроқ, тезроқ, Ланс. Хўжайнинг аллақачон кемага чиқиб олган, сен қайиқقا тушиб унга етиб олишинг керак. Э, нима бўлди, нега йиглаб ўтирибсан, йигит? Ҳой, эшшак, тезроқ қимирла! Денгиз суви қирғоқقا тошиб келадиган фурсатни ўtkазиб доғда қолма, кейин кемага етолмайсан.

### **Ланс**

Кошки, ўша денгиз қирғоқقا тошиб келадиган фурсатни ўтказсам. Чунки у инсон тарбия қилған ҳайвонларнинг энг тарбиясизи.

### **Пантино**

Қым ҳайвон, денгизми?

### **Ланс**

— Йўғ-е, ҳайвон — мана бу менинг итим — Креб.

### **Пантино**

Валдирама, аҳмоқ. Фурсатни ўтказиб қўясан деяпман сенга. Фурсатни ўтказсанг сафардан қоласан,

сафардан қолсанг хўжайиндан ажраласан, хўжайиндан ажралсанг хизматдан қуруқ қоласан, э ҳой, сен нега оғзимни юмасан?

**Ланс**

Тилингиз тушиб кетмасин, деб.

**Пантино**

Ҳа, нега тилим тушиб кетар экан?

**Ланс**

Ҳадеб галираверсангиз тушиб кетади-да.

**Пантино**

Тушиб кетади?

**Ланс**

Ҳа-да. Фурсатни ҳам, хўжайинни ҳам, хизматни ҳам, ҳайвонни ҳам бой берармишман! Иўқ, афандим, агар денгиз суви билан қирғоқни тўлдирмаса, мен денгизни кўз ёшим билан тўлдираман. Агар шамол бўлмаса, мен елканни нафасим билан тўлдираман.

**Пантино**

Юр, эй одам, мени, сени чақириб кел, деб юборишиди.

**Ланс**

Майли, хоҳласангиз чақираверинг.

Пантино

Э, юрасанми ахир, ё йўқми?

Ланс

Ха, хўп, борсам бора қолай.

Кетишади.

### ТУРТИНЧИ САҲНА

Милан. Герцог саройидаги хона.  
Валентин, Сильвия, Турно ва Спид каришади.

Сильвия

Менинг мулозимим!

Валентин

Бекам!

Спид

Хўжайин, синьор Турно сизга разаб бялган қараяпти.

Валентин

Чунки севади.

Спид

Фақат сизни эмас.

**Валентин**

У менинг бекамни севади.

**Спид**

Лунжига битта туширмайсизми?

**Сильвия**

Менинг мулозимим, ғамгинсиз?

**Валентин**

Шундай, бекам, ғамгин кўринаман.

**Туро**

Фақат кўринасиз, холосми?

**Валентин**

Эҳтимол, фақат ғамгин кўринсам керак.

**Туро**

Демак, муғамбирлик қилаётган экансиз-да?

**Валентин**

Ҳа, худди сизга ўхшаб.

**Туро**

Мен муғамбирлик қилиб нима қилдим?

**Валентин**

Ўзингизни ақлли қилиб кўрсатмоқчисиз.

Тур и о

Аксини исбот қилишга далилингиз борми?

Валентин

Бор, аҳмоқлигинги.

Тур и о

Аҳмоқлигимни нимадан билдингиз?

Валентин

Камзулингиздан.

Тур и о

Камзулим орқали ҳеч нарсани кўриш мумкин эмас.  
У икки қават.

Валентин

Демак, сиз икки карра аҳмоқсиз.

Тур и о

Бундай гапларни айтишга қандай журъат қиласиз?

Сильвия

Жаҳлингиз чиқдими, синьор Тур и о? Рангингиз оқариб кетди.

Валентин

Халал берманг, бекам, майли разабланаверсин.  
Унинг юзи, худди буқаламундек, рангини ўзгартириб туряди.

Тур и о

Аммо бу буқаламун ҳаво билан озиқланмайди, у ҳаводан кўра сизнинг қонингизни афзалроқ кўради.

Валентин

Бирор нарса дедингизми?

Тур и о

Ҳа, афандим, дедим. Ва деганимни амалга ошираман ҳам. Гап тамом.

Валентин

Биламан, афандим, сиз ҳамма вақт ишни бошламай тамом қиласиз.

Сильвия

Жуда ажойиб даҳанаки жанг, синъорлар!

Валентин

Сиз ҳақсиз, бекам. Бунга сабаб — унинг ўша гуноҳкори.

Сильвия

Қимга шама қиляпсиз, менинг мулозимим?

Валентин

Сизга, қимматли бекам. Сиз сўзларингизга бташ бағишлийсиз. Синъор Тур и о эса, оташни сизнинг иӯз

қарашларингиздан қарз олади-ю, сўнг ўша олов билан  
хузурингизда ярақлаб кўринади.

### Тур ио

Агар сиз, синъор, мен билан сўзбасўз айтишмоқчи  
бўлсангиз, ҳадемай ақлли гапларингиз тугаб қолади,  
синасиз.

### Валентин

Мен буни жуда яхши биламан, синъор, сиз бир  
дунё сўз хазинасига эгасиз-ку, аммо хизматкорларин  
гизга тўлаш учун ёнингизда қора чақангиз ҳам йўқ.  
Хизматкорларингизнинг аянчли либосларига қарагандা,  
сиз уларга маошни фақат аянч, сўзлар билангина  
тўлайдиганга ўхшайсиз.

### Сильвия

Бас қилинг, синъорлар, бас қилинг, отам келяпти-  
лар.

Миланлик герцог киради.

### Герцог

О, қамалда қолибсан-ку, қизим Сильвия!  
Отангиз соғ-саломатлар, синъор Валентин,  
Хуш хабар-ла дўстингиздан келса хат агар  
Қандай қарар әдингиз?

### Валентин

О, баҳтли бўлардим,  
Веронадан келган ҳар бир яхши хабардан.

**Герцог**

Хамшаҳрингиз Антонио сизга танишми?

**Валентин**

Таниш, герцог, олижаноб аслэодадан,  
У ҳамманинг ҳурматини қозонган одам.

**Герцог**

Үғли борми?

**Валентин**

Ҳа, үғли бор, муҳтарам герцог,  
Отасига хўп муносиб ажойиб үғил.

**Герцог**

Протейни биласизми?

**Валентин**

**Болалигимдан**

Мен ўзимни қандай билсам уни ҳам шундай  
Биламан. Биз кўп кунларни бирга ўтказдик.  
Мен у чорда такасалтанг ва бегам эдим,  
Бўш вақтимни эрмакларга исроф қиласдим.  
Ёш ақлимни камолотнинг гавҳари билан  
Безамакка уринмасдим. Протей эса  
Ҳар кунини оқилона, мазмундор қилиб,  
Фойдали, соз ўтказишни яхши биларди  
Ўзи ёшу доноликда кексадан ўтар.  
Еши фўру аммо, ақли пишиб етилган.  
Ҳа қисқаси, унинг ёрқин фазилатлари  
Қаршисида менинг мадҳим тамоман хира.

Аслзода шуҳратига, шаънига лойиқ  
Фазилатнинг ҳаммаси ҳам унда муҳайё.

### Г е р ц о г

Ҳақиқатан шундай бўлса, у ҳолда менинг  
Муҳаббатим, ҳурматимга сазовор экан.  
У мен учун маслаҳаттўй бўлишга лойиқ.  
Ҳа, у, синъор, биз тарафга ташриф буюрди.  
Аминманки, саройимда меҳмон бўлади.  
Хатларида аъёнлар ҳам уни мақташган.  
Үйлайманки, бу хабардан хурсанд бўлурсиз.

### В а л е н т и н

О, бу ерда менга ўша етишмас эди.

### Г е р ц о г

Ундай бўлса иззат билан кутинг меҳмонни.  
Мен, Сильвия, сендан, сиздан, азиз Турно,  
Утинаман, ҳурматини жойига қўйинг.  
Валентиндан сўрашимнинг ҳожати ҳам йўқ.  
Ҳозир уни юбораман ҳузурингизга.

(Кетади.)

### В а л е н т и н

Синъорина, мен у ҳақда сизга неча бор  
Гапирудим. Агар севги ўз сеҳри билан  
Унинг маъсум кўзларини асир олмаса  
У мен билан бирга бўлар эди бу ерда.

### С и л ь в и я

Балки севги уни бошқа бир асир учун  
Бўшатгандир?

### Валентин

Йўқ, бекам, у ўз асирини  
Алиштирмас ҳеч қачон ҳам бошқа асирга.

### Сильвия

Ундаи бўлса кўр экан-да. Кўр ҳолича у  
Қандай қилиб олдингизга йўл топиб келди?

### Валентин

Бекам, ахир, муҳаббатнинг юзта кўзи бор.

### Турно

Муҳаббат ҳеч кўролмайди. Унинг мутлақо  
Кўзи йўқдир.

### Валентин

Ҳа, сиздақа ошиқлар учун.  
Чунки севги хунукларни ёмон кўради.

### Сильвия

Бас қилинглар, афандилар! Мана, дўстингиз.

*(Протей киради).*

### Валентин

Салом сенга, азиз дўстим, азиз Протей!  
Синьорина, сўпар эдим сиздан, дўстимга  
Кўрсатсангиз алоҳида илтифот.

### С и ль в и я

**Яхши,**

Амин бўлсин меҳрибонлик кўрсатишимга,  
Сиз хатини кўп зориқиб кутган дўстингиз.

### В а л е н т и и

Ҳа, синьора, худди ўша. Рухсат берсангиз,  
Менга ўхшаб, у ҳам сизга мулозим бўлса.

### С и ль в и я

Бундай юксак мулозимга арзимайман мен.

### П р о т е й

Иўқ, синьора, сизнинг юксак илтифотингиз,  
Меҳрингизга арзимайди мулозимингиз.

### В а л е н т и н

Ким арзимас, бу ҳақдаги баҳс тўхтасину  
Қабул қилинг, бекам, уни мулозимликка.

### П р о т е й

Садоқатни олий бурч деб биламан, бекам,

### С и ль в и я

Уз бурчига ким садоқат кўрсатса, ҳар чоқ  
Мукофотга сазовордир содиқлик учун.  
Сиз — арзимас бека учун лойиқ мулозим.

## Протей

Бу сўз учун, ким бўлмасин, қиличим билан  
Жазолардим!

## Сильвия

Сизни лойик деган сўзгами?

## Протей

О, йўқ, сизни арзимайди деган сўз учун.

## Хизматчи киради.

## Хизматчи

Синьора, менинг хўжайиним, сизнинг отангиз, сиз  
билин сўэлашишни истайдилар.

## Сильвия

Хўп, бораман.

(Хизматчи кетади.)

Туро, сиз мен билан юринг.  
Сизни, янги мулозимим, қолдираман, сиз  
Суҳбатлашиб олинг пича дўстингиз билан.  
Суҳбат битгач, ёнимизга келарсиз, хўпми?

## Протей

Шу ониёқ ёнингизга борамиз, бекам.

Сильвия, Туро ва Сид кетадилар.

## Валентин

Қани, гапир, уйдагилар омон-эсонми?

**Протей**

Дўстларинг соғ, сенга салом йўллашди улар.

**Валентин**

Сеники-чи?

**Протей**

Ҳаммаси ҳам саломат, шукур.

**Валентин**

Севгинг қалай?

**Протей**

Едимда, ҳа, дўстим, илгари  
Муҳаббатдан сўз бошласам қулоқ солмасдинг.  
Зерикардинг муҳаббатдан гапирсам агар.

**Валентин**

Протей, мен ҳозир анча ўзгариб қолдим.  
Муҳаббатдан жирканишга барҳам берганман.  
Муҳаббатнинг қудратига бўйсуниб, энди  
Оромсизман, ухламайман, овқат емайман,  
Кундузлари бетоқатман, тунлар тўкиб ёш.  
Жирканганим учун севги ўч олиб мендан,  
Таслим бўлган кўзларимдан уйқуни қувди,  
Токи улар яраланган дил азобини  
Соат сайин кўриб турсин дегандай қилиб.  
О, азиз дўст! Севги — ожиз бандага ҳоким.  
Мен енгилдим, бундан буён мен учун севги  
Азобидан оғир азоб йўқ эрур, унинг  
Севинчидан юксак, тоза севинч ҳам бўлмас.

Энди менинг фикри-зикрим муҳаббатдадир.  
Бундан буён бутун ҳаёт, ҳоҳиш, уйқумнинг,  
Овқатимнинг ўрнини ҳам севги олади.

### Протей

Кўзларингдан тақдирингни ўқиб турибман,  
Шу эдими сажда қилган олиҳанг сенинг?

### Валентин

Ўша, дўстим, ўша кўқдан инган фариштам.

### Протей

Кўқдан инган? Йўқ, ерга хос ундаги жамол.

### Валентин

Илоҳийдир!

### Протей

Йўқ, хушомад қилмайман унга.

### Валентин

Мени мақта — ошиқларга мадҳия лозим.

### Протей

Мен севганда мендан роса кулувдинг, дўстим,  
Энди навбат менга келди, қайтараман, ол.

## Валентин

Йўқ, азизим, ростини айт, эътироф қилгил:  
 У илоҳий бўлмаса ҳам ердаги барча  
 Гўзалларнинг маликаси.

## Протей

Ундан Жулия  
 Мустаснодир.

## Валентин

Мустасносиз! Дўстим, севгимни  
 Ўйлайманки, истамассан таҳқир қилишини.

## Протей

Хаққим йўқми, ўзимники афзал, дейишга?

## Валентин

Очиқ айтай, сенинг учун энг афзал хизмат:  
 Унинг узун этагини ерга судратмай  
 Фаҳр билан, ғуур билан кўтариб юриш,  
 Токи ўша пок этакнинг бир чеккасини  
 Ўпиш билан мағурурланиб кетиб ер, яна,  
 Хайр-маъзур қилиб гуллар, майсалар билан  
 Умр бўйи қор тагида қолиб кетмасин.

## Протей

Азиз дўстим, баландпарвоз гапларингни қўй!

## Валентин

Кечир, дўстим, аммо, унинг ҳусни олдида  
 Ҳамма нарса ожиз, сўнар. Барча камолот

Фоят ғарип кўринади унга нисбатан.  
У ягона, танҳо гўзал.

Протей

*Майли, Валентин,*  
Ундаи бўлса қолдир уни танҳолигича.

Валентин

Йўқ, ҳеч қачон. Ахир, дўстим, у менинг жоним.  
Ҳа, мен жонли хазинамни ўн денгизга ҳам  
Алмашмасдим, сувлари бол, қирғоғи олтин  
Ва қумлари қимматбаҳо инжу бўлса ҳам.  
Кечир дўстим, сени ёддан чиқариб қўйдим.  
Севги тамом қамраб олган фикру зикримни.  
Менинг аҳмоқ рақибим — бой, шунинг учун ҳам  
Уни севар Сильвиянинг отаси, афесус.  
Ўзинг кўрдинг, жўнади у Сильвия билан.  
Шул сабабдан мен ҳам шошиб турибман,  
Биласан-ку, севги рашксиз яшай олмайди.

Протей

Хўш, у сени севадими?

Валентин

## Яшрин унашдик.

Энди қочиш керак бўлар, бир ёқса қараб.  
Уша ерда уйланамиз. Бари ўйланган.  
Арқон, нарвон билан унинг деразасидан  
Кираман, ҳа, тангри бизга мададкор бўлсин!  
Юр мөн билан, меникига, азиз Протей.  
Ердам бергил амалда, ҳам маслаҳат билан.

## Протей

Сен боравер, мен орқангдан бораман, кейин.  
 Мен гаваңга бориб ҳозир нарсаларимни  
 Олиб келай, тез келаман. Сўнг зудлик билан  
 Ҳузурингга йўл оламан.

## Валентин

Кечикма.

## Протей

Иўқ, иўқ!

Валентин кетади.

Қичик ўтни катта ёнгин босиб кетгандай,  
 Еки ханжар зарб бергандай ханжар зарбига,  
 Севги аввал пайдо қилган ажойиб сиймо,  
 Янги сиймо қаршисида лишиллаб сўнди.  
 Кўзимми, ёки Валентиннинг мақташларими,  
 Хиёнатми, ёки унинг гўзаллигими  
 Бошни тамом айлантириб, ақлимни олган?  
 У жуда ҳам гўзал, аммо, мен севган дилбар,  
 Жулия ҳам гўзал. Уни севаманми? Иўқ,  
 Авваллари севар эдим. У севги ҳозир  
 Янги севги қаршисида оловга тушган  
 Мумдай бўлиб эриб кетди. Аввал кўзимни  
 Мафтун этган гўзал сиймо йўқолди бирдан.  
 Назаримда, Валентиндан совигандайман,  
 У жонидан севган қизнинг ишқида ёниб.  
 О, мен уни билмай туриб шунчалик севсам,  
 Билганимдан кейин қандоқ севар эканман!  
 Ҳозир менга фақат ташқи сиймоси таниш.

Шу ҳолда ҳам бошим жуда айланиб қолди.  
 Шубҳа йўқки, унинг буткул камолотини  
 Кўрганимда жилосидан қамашар кўзим.  
 О, муҳаббат, жиловлаб ол телбалигингни!  
 Ожизмисан? Ундан бўлса уни енгиб ол.

(Кетади.)

## БЕШИНЧИ САҲНА

Милан. Кўча.  
 Ланс билан Спид киради.

Спид

Ланс! Номусим билан қасамёд қиласман — Миланга  
 хуш келибсан!

Ланс

Беҳудага қасам ичма, йигитча. Ҳали ҳозирча менга:  
 «Хуш келибсан!» дейишга ҳаққинг йўқ. Менинг фик-  
 римча, инсон, агар уни ҳали дорга осишмаган бўлса,  
 ўзини жуда ҳам ёмон ҳис қилолмайди. Иккинчидан,  
 ошхонанинг счёти бўйича қарзи тўланмаган ва ошхо-  
 на бекаси «хуш келибсиз!» демаган одам, бошқаларга  
 яхшилик инъом қилолмайди.

Спид

О, сен, каллакесар-э, қани юр, тезроқ, ошхонага.  
 Беш пенсога овқат буюр, беш юз маротаба: «Хуш ке-  
 либсиз!» деган сўзни эшитмасанг, калламни шарт қир-  
 қиб бераман! Хўш, қани, уни-буни қўй, гапир-чи, хў-  
 жайининг Протей Жулия хоним билан қандай ажра-  
 лишди?

Ланс

Ҳа, улар беҳазил топишдилару ҳазил-ҳазил биләс ажралишдилар.

Спид

Хўш, у нозанин хўжайинга тегадими?

Ланс

Иўқ.

Спид

Хўш, нега? Хўжайининг унга уйланадими?

Ланс

Иўқ, ҳеч ҳам.

Спид

Демак, ораларида бирор нарса дарз кетибди-да?

Ланс

Аксинча иккаласи ҳам бутун, худди сувдаги балиқ-дек.

Спид

Хўш, уни қўй, буни қўй, ҳалиги масалалар қалай?

**Ланс**

Қандай бўларди, агар унинг иши юришиб кетса,  
бунисиники ҳам жўнашиб кетади.

**Спид**

**Ўтакетган эшшаксан! Тасаввур қилиш қийин!**

**Ланс**

Ҳеч нарсани тасаввур қилолмасанг тўнка экансанда!  
Ҳатто менинг таёғим ҳам бирор нарсани тасаввур  
қила олади.

**Спид**

**Сенинг сўзларинг асосидами?**

**Ланс**

Менинг ҳаракатим билан ҳам. Мана қара, мен агар  
уни рўпарамга қўйсам, ўша заҳотиёқ бирор нарсани  
билиради.

**Спид**

**Сен уни рўпарангга қўйганинг учунми?**

**Ланс**

**Ҳа, рўпарага қўйиш тасаввур қилиш эмасми?**

**Спид**

**Ахир тушунтириброқ айтсанг-чи, тўй бўладими?**

Итимдан сўра: агар у «ҳа» деса, бўлади. Агар йўқ деса, демак, бўлмайди. Агар у дум чайқаб ҳеч нарса демаса ҳам, бари бир тўй бўлади.

### Спид

Бундан чиқдики, тўй ҳойнаҳој бўлади.

### Ланс

Сен менинг эътирофимни фақат ўхшатиш йўли билангида оғзимдан юлиб олишинг мумкин.

### Спид

Уни қайси йўл билан оғзингдан юлиб олмай, менга бари бир. Хўш, сен бунга нима дейсан, Ланс, хўжаним роса қўлга тушди-ю!

### Ланс

Ҳар галгидай.

### Спид

Нима ҳар галгидай?

### Ланс

Мен, ҳамма вақт хўжайинингни сувга тушиб бўккан нон деб билардим, ўзинг ҳам ҳозир тушди деб айтдинг-ку.

### Спид

Эҳ, мияси айниган эшшак! Гапларимга сира ҳам тушиунмадинг.

**Ланс**

Э, миясими еган аҳмоқ, мен сенга эмас, хўжайинингга тушунолмай қолдим.

**Спид**

Мен сенга, хўжайним ишқ ўтида ловуллаб ёнипти,

**Ланс**

Мен дейманки, деяпман. хўжайнинг севгиси билан қўшмозор бўлиб, ёнсин. Хоҳласанг, юр ошхонага борайлик. Хоҳламасанг, христиан номига нолойиқ ғайдинсан, яҳудийсан.

**Спид**

Хўш, нима учун?

**Ланс**

Чунки христианни пиво билан меҳмон қилиш учун сенда шафқат етишмайди. Хўш, борамизми?

**Спид**

Хизматингизга тайёрман.

Кетишади.

### ОЛТИНЧИ САҲНА

Милан. Герцог саройидаги хона.

Протей киради.

Протей

Жулияга вафосизлик — қасамни бузмоқ.  
Сильвияни севиши демак — қасамни бузмоқ.

Азиз дўстни таҳқир қилиш — қасамни бузмоқ.  
 Мен қасамни бузган ўша, куч билан уч бор  
 Хиёнатга йўл қўйишта мажбурман, афсус.  
 Қасам берган — севти, ўзи бузар қасамни.  
 Севги, фақат сен бошладинг гуноҳга мени.  
 Гуноҳимни энди қандай ювай, ўзинг айт.  
 Авваллари севар эдим нурсиз юлдузни,  
 Ақлим кириб, энди бўлдим қуёшга шайдо.  
 Оқил одам ўзгартирап бемаъни онтни.  
 Ким ёмонни яхши билан алмаштирмаса,  
 У одамнинг ақли камдир, муболагасиз.  
 О, беҳаё сўз айтгунча уялсанг-чи, тил!  
 Сен яқинда жамолини роса мақтаган  
 Дилрабони энди таҳқир қилдинг уялмай!  
 Мен севгини унупотлмай келдиму, мана,  
 Асл севги бошланганда унудим тамом.  
 Жулияни, Валентинни йўқотдим, агар  
 Йўқотмасам мен ўзимни йўқотар эдим.  
 Икковини йўқотдиму, аммо, ўрнига  
 Ажойиб бир дўст орттиридим, гўзал Сильвия.  
 Жазманимнинг эвазига жазман бўлади.  
 Мен ўзимга дўстдан кўра қимматлироқман,  
 Севги эса қиммат эрур ҳамма нарсадан.  
 Сильвиянинг қаршисида Жулия хунук,  
 — Тангри гувоҳ, худди хабаш қизидай қора.  
 О, агарда, муҳаббатим ўлган бўлса, мен —  
 Жулияни барҳаёт деб ҳисобламасдим,  
 Валентинни эса душман ҳисоблар эдим,  
 Сильвиянинг висолига етиш қасдида.  
 Валентиннинг дўстлигига хиёнат қилмай,  
 Ўз-ўзимга содик бўлиб қолармидим? Йўқ!  
 Ў, кечаси нарвон билан илоҳий гўзал,  
 Сильвиянинг ҳузурига кирмоқчи пинҳон.  
 Бу сир менга аён, унга энди рақибман!  
 Сильвиянинг отасига қизингизни у  
 Өлиб қочиш пайдада, деб, айтишим керак.

Герцог эса Туриони куёв қилмоқчи,  
 Ғазаб билан Валентинни дарҳол ҳайдайди.  
 Кейин, ҳар хил ҳийла билан бемаъни, аҳмоқ,  
 Жонга теккан Турионинг ниятларига  
 Фов бўламан. О, муҳаббат, бу тадбирга сен  
 Ақл бердинг, ижросига мадад бер энди!

(Кетади.)

### ЕТТИНЧИ САҲНА

Верона. Жулия уйидаги хона.

Жулия билан Лючетта киради.

**Жулия**

Маслаҳат бер, энди менга, азиз Лючетта,  
 Ёлвораман сенга бўлган соф севгим ҳаққи  
 Сен мен учун кундаликсан. Орзуларимни  
 Езиб олиб ардоқлайсан уларни дилдан.  
 Маслаҳат бер, иззатимни сақлаган ҳолда,  
 Қандай қилиб жондан севган Протейимнинг  
 Ҳузурига тез етаман, йўлини кўрсат!

**Лючетта**

Бахтга қарши, бу йўл оғир ва жуда узоқ!

**Жулия**

У бошидан бу бошига подшоликнинг  
 Яёв юриб ўжар сайёҳ чарчамаганда,  
 Мен чарчайми муҳаббатнинг қаноти билан,  
 Менинг учун энг қимматли ва энг севимли,  
 Олий зотнинг ҳузурига қараб учганда!

## Лючетта

Қайтишини кутиш яхши эмасми, бекам?

## Жулия

Тушун, ахир, ёр висоли жонимга озиқ.  
 Ахир, раҳминг келмайдими, висолга интиқ  
 Ёш жонимга? О, Лючетта, агар севгининг  
 Азобини билганингда сўз билан севги  
 Оловини ўчирмасдинг, балки қорга ҳам  
 Ўт қалашга уринардинг, имоним комил!

## Лючетта

Мен сиздаги алангани ўчириш эмас,  
 Балки унинг хуружини пасайтмоқчиман.  
 Токи ақл ҳудудидан чиқиб кетмасин.

## Жулия

Шунча қаттиқ ёнар у ўт, қанча ўчирсанг.  
 Ҳа, жилдираб оқиб ётган ирмоқ йўлини  
 Бўғиб қўйсанг, ғазаб билан кўпираар, тошар,  
 Агар унинг оқишига халал бермасанг,  
 У, тинчгина ялтираган тошлиардан ошиб,  
 Йўлларида учрайдиган ҳар бир қамишни  
 Ўпид ўтар ва йўлини тамомлаб, шаффоф,  
 Ювош, майин ҳолича у, тўлқинли денгиз  
 Қучоғига қўйилади. Сен ҳам, Лючетта,  
 Ўтинаман, тўғон бўлиб йўлимда турма.  
 Мен ҳам кичик ирмоқ каби чидамга тўлиб  
 Жуда енгил ҳис қиласман оғир йўлимни,  
 Бу йўл мени Протейга олиб боради!  
 Бу йўлда мен дам оламан! Азоблардан сўнг  
 Жонинг роҳат қилганидай жаннатга кириб.

**Лючetta**

Қай кийимда бормоқчисиз, бўлмаса, бекам?

**Жулия**

Иўлда шилқим эркакларнинг хушомадидан  
Қочиш учун аёлларнинг кийимин киймай.  
Саройдаги ёш йигитлар кийишадиган  
Либослардан биттасини топиб бер менга.

**Лючetta**

Унда сочни қирқтиришга тўғри келади.

**Жулия**

Мен уларни ипак билан чамбарчас боғлаб,  
Ун иккита тугун қилиб ўриб қўяман.  
Ёш-ялангга майнавозлик ярашади-ку,  
Гарчи, улар мендан катта кўрингандада ҳам.

**Лючetta**

Қанақанги иштон олсак бўлар экан, а?

**Жулия**

Куладиган гап-ку, гапинг! Худди: «Хўш, синъор,  
Сизга қандай юбка бичай», дегандай бўлди.  
Ўзинг жавоб бера қолгил ўз саволингга!

**Лючetta**

Сержимжима иштон сизга ярашар эди,

## Жулия

Қўй, Лючетта, хунук жуда унақа иштон!

## Лючетта

Ҳашами йўқ иштон, бекам, бир пулга қиммат.  
Ҳашамига игна-пигна яширадингиз.

## Жулия

Ахир, мени севасан-ку, азиз Лючетта.  
Қай либосни лозим кўрсанг, шуни бера қол.  
Аммо мени шундай йўлга кирди, деб, бирор  
Гап тарқатиб, фийбат қилиб юрмасин яна?  
Шаънимга доғ тушмасмикан фийбат туфайли?

## Лючетта

Фийбатлардан ҳайиқсангиз, уйда ўтиринг!

## Жулия

Йўқ, сира ҳам!

## Лючетта

Ундей бўлса тезроқ отланинг.  
Шаънимга доғ тушмасин деб кўп ўйлай берманг.  
Жуда яхши келибсан деб, агар Протей,  
Хурсанд бўлса бошқаларнинг сўзи бир чақа,  
Аммо хурсанд бўлармикан сиздан Протей?

## Жулия

Бу ҳақда ҳеч ғам емайман, Лючетта, чунки,  
Муҳаббатим умрбод деб, айтган сўзлари,

Онт ичгани, ёш тўккани, ибодатлари  
 Асос берур қўнгилдаги меҳмон тарзида,  
 Ер тарзида яхши қабул қилинишимга.  
 Азиз меҳмон бўламан мен Протей учун.

### Лючетта

Бу гапларнинг ҳаммасини эркаклар доим  
 Аёлларни алдаш учун ишлатадилар.

### Жулия

Фақат разил мақсад учун — разил одамлар,  
 Ҳаққоният юлдузидир одил Протей.  
 Унинг сўзи авлиёнинг сўзидан ҳам зўр.  
 Пўлатдан ҳам мустаҳкамдир аҳду паймони.  
 Ердан узоқ бўлганидай зангори осмон  
 Унинг қалби хиёнатдан шу қадар узоқ.

### Лючетта

Айнимаган бўлса яхши эди, илоҳим.

### Жулия

Лючетта, сен, агар мени чиндан ҳам севсанг  
 Шубҳа билан Протейни ҳақорат қилма.  
 Сен уни сев, мен ҳам шунда сени севаман.  
 Қани юр-чи, йўлга керак ҳамма нарсани  
 Йиришириб қўяйлик, ҳа, тахт бўлиб турсин.  
 Бойлигимни, яхши номим, молу мулкимни,  
 Ҳа, қисқаси, ҳаммасини ихтиёрингга  
 Топшираман: Лючеттажон, эвазига сен —  
 Мени йўлга хўп яхшилаб шайла, сўрайман.  
 Йўқ демагил, яхсиси, юр ишга тушайлик.  
 Онт ичаман, тоқатим йўқ кечиктиришга.

**УЧИНЧИ ПАРДА****БИРИНЧИ САҲНА**

Милан. Герцог саройидаги хона. Герцог. Турио, Протей киришади.

**Г е р ц о г**

Бизни холи қолдирсангиз, синьор Турио,  
Бизнинг бир оз ганимиз бор, илтимос сиздан.

Турио кетади.

Хўш, Протей, сўзланг энди, қулоғим сизда.

**П р о т е й**

Дўстлик мендан яширишни тақозо қилган  
Сирни сизга очмоқчиман, мухтарам герцог,  
Фақат сизга, саховату мурувватингиз  
Ҳақи, ожиз қулингиз мен, ҳеч вақт, ҳеч кимга  
Айтмайдиган машъум сирни айтмоқчи бўлдим.  
Билинг, герцог, менинг дўстим синьор Валентин  
Бугун тунда қизингизни ўғирламоқчи.  
Унинг ўзи айтди менга бу хиёнатни.  
Хабарим бор, қизингизни, ёмон кўрса ҳам,  
Туриога бермоқчисиз. Агар қизингиз  
Ўғирланса, қариганда оғир фалокат,  
Шармандалик бошингизга тушган бўларди.  
Шунинг учун, ўз бурчимни оқлаб: майлига,  
Яхшиси мен халал берай дўстимга, аммо.

Оқсоқолнинг шаънига дор тушмасин, ғамлар  
Уни бевақт гўрга тиқиб қўймасин, дедим,

### Г е р ц о г

Миннатдорман. Айтиб жуда яхши қилдингиз.  
Энди сизга қарздорман ўла-ўлгунча.  
Ўзимнинг ҳам, икковидан шубҳам бор эди.  
Мен уларнинг гапларини эштиб қолдим.  
Улар мени ухлаган деб ўйлаган чоғда.  
Учрашманг, деб, бир неча бор ман этай, дедим.  
Валентинни четлатмоқчи бўлдим саройдан.  
Аммо кейин ўйлаб қолдим: эҳтимол, шубҳам  
Ўринсиздир, янгишарман, дедим ўзимча.  
Ҳаққоният — менинг учун муқаддас қонун.  
Шунинг учун очиқ чеҳра, кулган юз билан  
Ахтарардим сен шу топда етказган гапни.  
Шундан бери, ёшлигини вაсвасалардан  
Мұстаҳкамроқ сақлайин деб, эрка қизимни  
Қечалари минорага беркитиб қўйиб,  
Қалитини ўз ёнимда олиб юрибман.  
Энди уни ўғирламоқ ҳеч мумкин эмас.

### П р о т е й

Огоҳ бўлинг, олижаноб, зийрак ҳокимим:  
Арқон нарвон билан унинг деразасидан  
Тушмакчидир у ошиқи беқарор бугун.  
Ҳа, айтгандай, яқинда у нарвонга кетди.  
Сал қоронги тушганида олиб келади.  
Уша ерда уни қўлга тушириш мумкин.  
Аммо, бегим, овни шундай ташкил қилингки,  
Бу сирни мен очганимни дўстим билмасин.  
Ахир, синъор, мен бу ишни дўстимга ғараз,  
Душманликдан қилганим йўқ, фақат сиз учун,  
Сизга бўлган муҳаббатим туфайли қилдим.

## Герцог

Онт ичаман, у сезмайди, шум ниятларин  
Сиз орқали билганимни, хотиржам бўлинг.

## Протей

Ана ўзи келиб қолди. Синьор, кечиринг.

(Кетади.)

Валентин киради.

## Герцог

Ха, қаёққа, нега бунча шошасиз, синьор?

## Валентин

Веронага кетаётган чопар кутмоқда,  
Рухсатингиз билан унинг ёнига бориб,  
Икки кичик мактуб бериб юбормоқчиман.

## Герцог

Муҳим хатми, хатларингиз?

## Валентин

Умуман, шундай.

Хатда соғман, саломатман, хурсандман, герцог  
Саройда яшаш менга зўр баҳт, деб ёздим,

## Герцог

Шу холосми? Ундай бўлса ҳузуримда қол.  
Бир ишим бор, сенга айтиб бераман, аммо  
Сен бирорвга айта кўрма уни, илтимос.  
Хабаринг бор, мен қизимни, яқин кунларда  
Дўстим синьор Турнига узатмоқчиман.

## Валентин

Бу гаплардан хабарим бор, муҳтарам синьор,  
 У, шубҳасиз, кўп ҳурматли бой, лойиқ куёв  
 Ҳамда сахий, олижаноб нур устига нур.  
 Қизингизга жуда яхши эр бўлади у.  
 Фақатгина синьорага ёқармиканлар?

## Герцог

Бахтга қарши ёқмайди, йўқ. Қизим кўп ўжар,  
 Дағал, қайсар, мағрур жуда, сал нарсага ҳам  
 Жаҳли чиқар. Қизлик бурчи, севгисига ёт,—  
 Сабаби мен жиловини бўш қўйиб бердим,  
 Унинг беҳад мағрурлиги сабаб бўлди-ю  
 Унга бўлган муҳаббатим анча совиди.  
 Мен умримнинг охирида қизимни, севги,  
 Фамхўрлик-ла ардоқлашни орзу қиласдим.  
 Алданибман, афсус, энди уйланмоқчиман.  
 Майли, қизим тегаверсин хоҳлаганига,  
 Аммо ҳурмат қилмагани учун отани,  
 Энди унга гўзалликдан бошқа қалин йўқ.

## Валентин

Бу гаплардан мақсад нима, муҳтарам синьор?

## Герцог

Бу ерда вероналик бир яхши аёл бор.  
 Бир кўрдиму севиб қолдим ўша жувонни.  
 Аммо қанча тушунтиrmай, қанча уринмай,  
 Унинг нозик ва тортинчоқ кўнглини овлаб,  
 Үзимга ҳеч ром қилолмай доғдаман, синьор.  
 Ҳа, эскича хушомадлар иш беролмади.  
 Сенга шогирд тушмоқчиман. Авраш санъати

Эсдан чиққан, одатлар ҳам ўзгариб кетган.  
Менга ўргат, қай йўл билан гўзал кўзларнинг  
Табассуми, имосига эришиш мумкин.

### Валентин

Агарда сўз иш бермаса, бошқа йўл тутинг:  
Биласизми, кўп вақт гўзал хотинлар учун —  
Қуруқ сўздан қимматроқдир сўзсиз инъомлар.

### Герцог

Инъомимни қайтарди-да.

### Валентин

Ноз қилибди-да!

У рад этган ўзи орзу қилган нарсани.  
Янги инъом юборинг-а,— омад келади!  
Баъзан улар рад қилади кўпроқ ёқай деб,  
Фазаблари душманликни ифода қилмас,  
О, аксинча, муруватдан дарак беради.  
Ҳайдасалар — сабр этайлик; бу билан улар  
Қалбимизда кўпроқ севги ўтиң ёқмоқчи.  
Улар бизни қарғашади хўжа кўрсинга:  
Хафа бўлсак — ўзлари ҳам хафа бўлади.  
Аёллардан тўғри сўзни кутманг ҳеч қачон:  
Улар, агар «кет» десалар, «кетма»—дегани;  
Уларни сиз мақташ билан, хушомад билан  
Қўлга олинг, хунукни ҳам сиз — фаришта денг,  
Эркакларга шунинг учун тил берилганки,  
Аёлларни тузогига илинтирсин, деб.

### Герцог

У аёлга, унинг қавму қариндошлари  
Ёшроқ ҳамда муносиброқ эр топишибди.  
Яна бирор ишни бузиб қўймасин, дея  
У аёлни кеча-кундуз қўриқлашармиш.

## Валентин

Мен бўлганда тунда уни ёнига эплаб  
Кириш учун бир таваккал қилиб кўрардим.

## Герцог

Эшик қулф, калит эса — ишончли қўлда.  
Кечаси ҳам ҳузурига кириб бўлмайди.

## Валентин

Ойнасидан тушса нима халал беради?

## Герцог

Девор тикка, ойна эса жуда баландда,  
Унга чиқиб бўлмас жондан кечмасдан туриб.

## Валентин

Ҳеч гап эмас, арқон нарвон олинг, иш тамом,  
Агар сиз ҳам Леандрдай жасур бўлсангиз.  
Иўл топасиз қалъасига янги Геронинг.

## Герцог

Маслаҳат бер — тажрибали айёрлардансан,  
Ушанақа нарвонни мен қайдан оламан?

## Валентин

Нарвон сизга қачон керак, муҳтарам синьор?

**Герцог**

Бугун, тунда; севги худди болага ўхшар —  
Нима кўрса шуни дарҳол ушлаб олади.

**Валентин**

Хўш, наравонни келтираман соат еттига.

**Герцог**

Якка ўзим бормоқчиман, айтиб бер менгаг:  
Нарвонни мен қай йўсинда олиб бораман?

**Валентин**

Нарвон енгил, уни плашч ёстига олинг  
Ва шу ҳолда билдириласдан олиб борасиз.

**Герцог**

Бўйи сенинг плашчинғдай бўлса майлими?

**Валентин**

О, албатта.

**Герцог**

Үндай бўлса еч, кийиб кўрай?

**Валентин**

Ҳар қанақа плашч, бегим, ярайверади.

### Герцог

Уни қандай кийиш мумкин? Илтимос сендан,  
Беріб тур-чи, сеникни бир кийиб күрай?

(Валентиннинг плашчини очиб юборади.)

Бу қандай хат? Қимга экан? Нима, «Сильвия»?  
И-е, мана, мен ахтарған нарвон ҳам тайёр.

(Валентиннинг плашчи тагидан нарвонни олади.)  
Рұксат беринг, хатни очиб ўқиб күрайин.

(Ўқийди.)

«Хаёлларим узоқдаги Сильвияхонда,  
Мен уларга маъшуқамни тарқ этманг дедим.  
Қошки ўзим тунда бориб, кўринмай кўзга,  
Ўша ҳиссиз чопарларнинг ўрнини олсам!  
Сенинг кўксинг улар учун нуқрадай маскан.  
Мен узоқда рашик ўтида ёнаман ёлғиз.  
Саодатли чопарлари, ғамгин ошиқнинг,  
Аламимдан сизга беҳад лаънат ўқийман.  
Ўзим роҳат қилай деган жойга уларни  
Юборганим учун лаънат менга ҳам минг бор».  
Бу қандай гап?

«Шу кеча сен, Сильвияжон, озод бўлассан»,  
Ҳа, Фаэтон, қанотсиз Меропснинг ўғли,  
Фебнинг олтин аравасини ҳайдайман дея,  
Дунёга ўт қўйишига оз қолган экан.  
Кўқдан юлдуз ўғирлашни истаб қолдингми?  
Беҳаё қул! Разил, айёр, ёлғончи, йўқол!  
Аҳмоқларга сақлаб қўйигил хушомадингни.  
Агарда сен жазоланмай кетсанг бу ердан  
Бунида сенинг ҳеч қанақа хизматинг йўқ, ҳа,  
Фақат менинг тоқатимга ташаккур билдири.  
Бу муруват ҳозиргача сенга кўрсатган  
Шафқатимнинг энг юксаги, энг эзгусидир.  
Аммо, дарҳол йиғишириб нарсаларингни,

Саройимдан тезроқ жўнаб қолмасанг, агар,  
 Онт ичаман, унда менинг қаҳру-ғазабим,  
 Сени дастлаб қабул қилган чоғдаги севгим,  
 Ва қизимга бўлган беҳад муҳаббатимдан  
 Юз мартаба ошиб тушар. Яна ўзингни  
 Оқлайман деб, уринмагил! Йўқол кўзимдан!

(Кетади.)

### Валентин

О, бу азоблардан кўра ўлганим яхши!  
 Ахир ўлим ўз-ўзингдан ажраш эмасми?  
 Сильвия, мен — бир одаммиз, ундан айрилмоқ  
 Ўз-ўзимдан жудо бўлиш эмасми, ахир?  
 Шу эмасми — ҳалокатли, шафқатсиз қувғин!  
 Сильвиянинг жамолисиз ёруғлик ҳам йўқ.  
 Сильвиясиз шодлик — менга шодлик бўлолмас.  
 Наҳот энди хаёлимда ишқдан завқ олиб,  
 Қамолотининг жилосини тасаввур қилсан?  
 Агар тунни Сильвиясиз ўтказсам, булбул  
 Нағмасида менинг учун тарона йўқдир.  
 Кундуз куни Сильвияни кўрмасам, агар,  
 Менинг учун кўкда порлоқ қуёш ҳам йўқдир.  
 Сильвиясиз ҳеч нарсаман, йўқман мутлақо.  
 Фақат унинг яқинлиги менга саодат,  
 Менга асос, менга ҳаёт баҳш этар, шаксиз.  
 Ўлим эмас, фақатгина жазо — қатлга  
 Йўл қўймасликгина келар менинг қўлимдан.  
 Фақат ўлим кутар эдим, бу ерда қолсам.  
 Қочсам агар, мен ҳаётдақ қочган бўлардим.

Протей билан Ланс киради.

### Протей

Тезроқ, тезроқ, Ланс, уни қандай бўлмасин менга  
 топиб бер.

**Лаис**

Ху, ана, ху, ана!

**Протей**

Кимни кўрдинг?

**Лаис**

Қидирган одамимизни. Унинг терисида Валентин билмаган битта ҳам тук йўқ.

**Протей**

Валентин?

**Валентин**

Йўқ.

**Протей**

Бўлмаса кимсан? Валентиннинг арвоҳимисан?

**Валентин**

Арвоҳ ҳам эмасман.

**Протей**

Ха, бўлмаса нимасан?

**Валентин**

Хеч нарса.

**Ланс**

Хеч нарса ҳам гапира оладими? Хўжайин, бөплаб таъзирини бериб қўйами?

**Протей**

Кимниң таъзирини бермоқчисан?

**Ланс**

Хеч нарсанинг.

**Протей**

Жим, бўл, аҳмоқ!

**Ланс**

Ҳа, нега, хўжайин, ахир, мен ҳеч нарсанинг таъзирини бермоқчиман. Рухсат этинг...

**Протей**

Нодон, жим бўл, деяпман сенга! Дўстим Валентин, икки оғиз гап бор.

**Валентин**

Қулогим кар менинг, дўстим, яхши сўз учун.  
Гаранг бўлиб қолди, шўрлик ёмон сўзлардан.

**Протей**

Ундей бўлса сукут сақлаб турсин сўзларим;  
Чунки улар ҳам дағалу ҳамда беомон.

**Валентин**

Хўш, Сильвия ўлдими?

**Протей**

Йўқ, дўстим Валентин.

**Валентин**

Ҳа, Валентин, ўлди, дўстим, Сильвия учун.

Хўш, мендан юз ўгирдими?

**Протей**

Йўқ, йўқ, Валентин.

**Валентин**

О, агар у юз ўгирса мендан, айтардинг:

Валентин йўқ! Не иш билан келдинг бу ерга?

**Протей**

Сен Миландан қувилдинг. Ҳа! Энди сен сарой,  
Сильвияни, дўстингни тарқ этишинг керак.

**Валентин**

Дўстим, гамга жуда тўйдим. Яна оз турсам —  
Фаму гусса жудо қилур мени ҳаётдан!

Хўш, Сильвия бу гаплардан хабардормикан?

**Протей**

Ҳа, хабардор. У шафқатсиз қарорга қарши.  
Қўз ёши деб аталувчи инжуни тўкиб,  
Беҳудага қурбон қилди, золим отанинг

Оёғига йиқилди-ю, зор-зор йиғлади,  
 Аламлардан, ташвишлардан шўрликнинг ранги  
 Баланд төғнинг қори каби оқарикб кетди.  
 Аммо йиги, нолалар ҳам, илтижолар ҳам,  
 Тиз букишлар, бош эгишлар, ёлворишлар ҳам,  
 Сира таъсир қилгани йўқ золим отага.  
 У қизига, тез кетмаса агар Валентин  
 Қатл этишга буюраман уни, деб айтди.  
 Гуноҳини кечиринг, деб сенинг ҳақингда,  
 Ёлворгани учун, унинг золим отаси  
 Фазабидан кўзига қон тўлиб, шу замон  
 Буйруқ берди минорага қаманг уни, деб.  
 Ва қизига, сўзларимга кирмасанг агар.  
 Умринг чирир зиндонда деб, дағдаға қилди.

### Валентин

Бўлди, бас қил, агар мени сўзларинг билан  
 Улдиришни истамасанг. Мабодо, дўстим,  
 Улдирмоқчи бўлсанг, агар, сўзда давом эт,  
 Поёни йўқ азоблардан халос эт мени.

### Протей

Фарёд чекма энди, дўстим, бўлар иш бўлди.  
 Аммо ўзинг бузган ишни, тезроқ тузатгили.  
 Бунда қолсанг, гўзал билан учрашолмайсан,  
 Аммо хавф остида қолур ҳаётинг, оринг.  
 Умид — ошиқларга ҳасса! Бор, дўстим, ўзинг  
 У ёқдаю, аммо хатинг бу ерда бўлур.  
 Шу ҳассага таянгину хатларни менга  
 Юбориб тур, мен уларни унга топширай,  
 Токи гўзал, у хатларни, мармар тўшига  
 Худди тумор каби осиб, яшириб юрсин.  
 Дўстим, ҳозир пайти эмас музокаранинг.  
 Қетиш керак. Мей, то шаҳар дарвозасига

Қадар сени кузатаман. Севгингта фойда —  
Берадиган нарсалардан суҳбатлашамиз.  
Тез юрақол, дўстим, гўзал Сильвия ҳақи.

### Валентин

Менга қара, Ланс, мабодо Спидни кўрсанг,  
Айт, Шимолий дарвозага тез етиб келсин.

### Протей

Бор, топиб кел. Қани кетдик, дўстим Валентин.

### Валентин

О, Сильвия, менинг азиҳ, гўзал фариштам!  
О, аламли, бахти қора шўрлик Валентин!

Валентин билан Протей кетишади.

### Ланс

Қаранг-а, аҳмоқ бўлсам ҳам, хўжайинимнинг маълум тарзда разил эканини фаҳмлашга, ҳар ҳолда, ақлим етди-я. Қайси тарзда — аҳамияти йўқ, аммо разил, ана шуниси аҳамиятли. Мени ошиқ деб айтадиган одам ҳали туғилган эмас. Аммо кимга ошиқ бўлганимни олти от ҳам ичимдан тортиб чиқаролмайди. Нафси-ламрига у аёл. Аммо қанақа аёл, буни мен ўзимга ҳам айтмайман. Мен-ку ҳар ҳолда у аёлнинг сигир боқувчи эканини биламан. Борингки, кўпдан қиз эмаслигини, у ҳақда ҳар хил ёмон гаплар юрганини ҳам биламан. Аммо, ҳар ҳолда у қиз, нега десангиз, у ўз хўжайининикида қиз ҳисобланади ва уникода ҳақ олиб ишлайди. Унинг қўлидан ҳамма иш келади — худди менинг сувга шўнгийдиган итимдек. Бандайи мўмин

учун шу ҳам етиб-ортади. Мана, унинг ғамхўрлари ёзган гаплар. (*Енидан қоғоз чиқарди.*) Биринчидан, у ҳам ташийди, ҳам ташиб келади. Бунақа ишни от ҳам қилолмайди. Йўқ, от фақат юк ташиши мумкин, аммо бирор нарсани уйга ташиб келолмайди. Демак, у, ҳар қанақа қирчангидан афзал. Иккинчидан, у соғишини билади. Қиз учун бундан катта фазилат йўқ, фақат қўли тоза бўлса.

**С п и д** киради.

**С п и д**

Салом, синъор Ланс, нимани ўқиб ўтирибсиз?

**Л а н с**

Ўқиётганим йўқ, тахляяпман.

**С п и д**

Сен, ҳали ҳам ўша, эскича бутун сўзларнинг аврастарини ағдарасан. Хатингда қанақа янгиликлар бор?

**Л а н с**

Ўзинг кўрган қоп-қора.

**С п и д**

Ҳа, нега қора?

**Л а н с**

Чунки сиёҳда ёзилган.

**С п и д**

Қани, бер-чи, ўқиб кўрай.

**Л а н с**

Уялсанг-чи, аҳмоқ! Ахир, сен ўқиши билмайсан-ку?

**С п и д**

Елғонгинани айтибсан. Ўқиши биламан, ҳа.

**Л а н с**

Хўп, бўлмаса, мен сени бир текшириб кўрай. Қани, жавоб бер-чи, сени ким туғдирган?

**С п и д**

Бувамнинг ўғлидан бўлак ким бўларди.

**Л а н с**

Эҳ, сен жоҳил каллаварам! Бувангнинг ўғли эмас, бувингнинг ўғли! Шундан маълум бўлдики, сен ўқиши билмайсан.

**С п и д**

Бу ёққа бер, бу ёққа бер, аҳмоқ! Кўрсат, хатингда нималар ёзилган экан.

**Л а н с**

Мана, қара. Авлиёлар мададкор бўлсин!

**С п и д**

(йқиіді)

«Биринчидан, у соғиши билади».

**Л а н с**

Ха, жуда яхши билади.

**С п и д**

«Иккинчидан, у пиво пишириши билади».

**Л а н с**

«Тасаннолар бўлсин сенга, эй фалак, сен пивони яхши пиширасан» деган мақол шундан келиб чиқсан.

**С п и д**

«У тикиши ҳам билади».

**Л а н с**

Бу, у киши тикиши ҳам биладиларми, деб сўрагандай гап.

**С п и д**

«У киши пайпоқ тўкиши ҳам биладилар».

**Л а н с**

Ха, агар хотини пайпоқ тўкиши биладиган бўлса, ёркак ўз пайғомини қаёқдаги суюқоёқ аёлларга берармиди?

**Спид**

«Яна у ювишни ҳам, дазмоллашни ҳам билади.»

**Ланс**

Бу алоҳида фазилат: ювишни қойил қилмаса, дазмоллашни боплайди.

**Спид**

«У мато тўқишини ҳам билади.»

**Ланс**

Агарда у мато тўқиб, тиринчилик учун пул топадиган бўлса, демак, Ланс омад ғилдирагини ишга солиб юборади.

**Спид**

«Кейин унинг жуда кўп номсиз ғамхўрлари бор.»

**Ланс**

Бу, шу деган гапки: улар гўё ташқаридан келиб қўшилган, ёндама, қўшимча, ғайритабиий ғамхўрлар. Уларнинг отаси йўқ, шунинг учун номлари ҳам йўқ.

**Спид**

Хатнинг давомида у паризоднинг нуқсонлари зикр қилинади.

**Ланс**

Ҳа, фазилатларидан сўнг қадам-бақадам.

## С п и д

«Биринчи: оч қоринга у кишини ўпилмасин, у кишининг оғизларидан ёмон ҳид келади».

## Л а н с

Ҳа, бу нуқсонни нонушта билан тўғрилавориш мумкин.

## С п и д

«Қейин: у киши ширинликка ўч».

## Л а н с

Демак, ёмон ҳидга ҳамма вақт яхши ҳид аралашиб туради.

## С п и д

«Қейин: у киши тушларида гапириб чиқадилар».

## Л а н с

Э, аҳамияти йўқ, ҳайтовур, гаплашиб туриб ухлаб колмаса бўлгани.

## С п и д

«Қейин: у киши камсуханлар».

## Л а н с

Қайси аҳмоқ буни нуқсонга қўшиб ёзди! Агар хотин киши кам валакласа бу жуда ҳам савобли иш.

Сендан сўрайман: Бу гапни бу ердан ўчиру яхши фазилатлар қаторига қўшиб ёз.

**С п и д**

«Кейин: у жуда қайсар».

**Л а н с**

Буни ҳам ўчир, бу гап уларга Момо Ҳаводан қолган. Аёл кишини бундай меросдан маҳрум қилиш ҳеч ҳам мумкин эмас.

**С п и д**

«Кейин: у киши тишсизлар».

**Л а н с**

Яна яхши, ноннинг сиртини ўзим яхши кўраман.

**С п и д**

«Кейин: у киши жанжалкашлар».

**Л а н с**

Аҳамиятсиз. Модомики тиши йўқ, тишлолмайди.

**С п и д**

«Кейин: у киши ичишни яхши кўради».

**Л а н с**

Нима бўлибди, агар яхши ичкилик бўлса, майли, ичаверсин. Мабодо у киши хоҳламасалар, ўзим ича қоламан. Яхши нарсаларнинг қадрига ётиш керак.

## Спид

«Кейин: у киши жуда сахийлар».

## Ланс

Гапгами? Йўқ, албатта, бу ерда у киши камсухан, деб ёзилган. Пулгами? Бўлмаган гап. Пул менда ҳамма вақт бўлади. Агар, бошقا нарсага сахий бўлса, майли, билганини қиласин. Ҳа, нима ҳам қилардим. Майли, қани, нари кетдик.

## Спид

Нариёғи мана бунақа: «Унинг сочи ақлидан кўп, нуқсони эса сочидан кўп, пули эса нуқсонидан кўп».

## Ланс

Тўхта, тўхта. Мен у аёлга уйланмоқчиман. Шу масала юзасидан мен икки маротаба ёки уч маротаба ҳам «ҳа» дейишга қарор қилдим, ҳам «йўқ» дейишга. Яна бирор маротаба ўқи.

## Спид

«Унинг сочи ақлидан кўп».

## Ланс

Сочи ақлидан кўп? Эҳтимол; мен буни исбот қиласман. Тузлиқнинг қопқоғи тузлиқни ёпади, демак қопқоқ туздан кўп, катта. Соч эса, бошни ёпиб турарди, демак, соч бошдаги ақлдан кўп, чунки кўп нарса ҳамма вақт оз нарсадан кўп бўлади. Давом эт.

**Спид**

«Сочдан нуқсони кўп».

**Ланс**

Ана бу даҳшат. Кошки, хатдаги шу модда бўлмаса!

**Спид**

«Пули эса нуқсонидан кўп».

**Ланс**

Ана бу вазият ҳамма нуқсонни ёкиб кетади. Албатта, мен унга уйланаман, агар шунаقا бўлиб қолса, ҳа. Ахир бўлмайдиган нарса йўғ-у...

**Спид**

Хўш, унда нима?

**Ланс**

Унда гап шуки, хўжайнинг бир соатдан бери сени шимолий дарвозада кутяпти.

**Спид**

Мени?!

**Ланс**

Сени! Ҳа, сен ким бўпсан? У сендан тозароқ одамларни ҳам кўп кутган.

С п и д

Демак, мен унинг ёнига боришим керакми?

Л а н с

Сен унинг ёнига чопишинг керак! Сен бу ерда шунча лақиллаб турдингки, унинг олдига юриб бориши учун вақтинг йўқ.

С п и д

Ҳа, нега индамадинг? Э, ишқий хатинг бошингдан қолсин!

(Кетади.)

Л а н с

Хатимни ўқигани учун, жазосини беради. Ўхшовсиз аҳмоқ! Одамларнинг сири асрорига тумшугини сұқади! Орқасидан борай, зора калтак еганини кўриб руҳим кўтарилса. (Кетади.)

## ИККИНЧИ САҲНА

Герцог саройидаги хона.

Г е р ц о г билан Т у р и о киради.

Г е р ц о г

Ташвиш қилманг, Туро, ҳа, у Валентиндан  
Бир умрга ажралгани сабабли, энди  
Сизга кўнгил беради.

**Туро**

Иўқ, ўшандан бери  
 Мен кўзига жуда ёмон кўриниб қолдим.  
 Менин кўрса, дарҳол жўнаб қолар қизингиз.  
 Висолига етиш учун энди умид йўқ.

**Герцог**

Қизнинг ишқи музга чизган чизиққа ўхшар,  
 Бир оз илиқ ел эсдими, муз эриб кетар.  
 Қарабсиэки чизик ҳам йўқ. Шунга ўшаган  
 Музлаб қолган фикрлари эрийди ва у  
 Шу ондаёқ Валентинни чиқарар ёддан.

Протей киради.

Хўш, Протей, ўйлайманки, эски дўстингиз,  
 Буйруғимга амал қилиб жўнаб кетгандир!

**Протей**

Ҳа, жўнади.

**Герцог**

Қалай, қизим ҳамон хафами?

**Протей**

Азиз Герцог, бу ғам-гусса узоққа бормас.

**Герцог**

Тўғри, аммо Туронинг фикри бошқача.  
 Протей, мен чин қалбимдан сени севаман.

Ҳа, сен менга исбот қилдинг садоқатингни,  
Ишонаман энди сенинг маслаҳатингга.

Протей

О, синьор, мен агар сизни алдасам, мени  
Маҳрум этинг ҳаётдан ҳам шафқатингиздан.

Герцог

Биласанки, мен қизимни, ҳеч ёлғони йўқ,  
Дўстим синьор Туриога жон деб берардим.

Протей

Шундай, герцог.

Герцог

Яна сенга шу ҳам аёнки,  
Хоҳишинга қизим сира кўнмай ётибди.

Протей

Ҳа, Валентин борлигида саройингизда.

Герцог

Йўқ, ҳали ҳам ўз сўзида маҳкам турибди.  
Қани, нима қилиш керак, токи Сильвия  
Валентинни юрагидан чиқариб тамом,  
Туриони севса!

Протей

Бунинг йўли бор, синьор.  
Валентинни синьорага ёмонлаш керак,

У ёлғончи, қўрқоқ ҳамда таги паст, дея.  
Шу уч нарса хотинларга сира ёқмайди.

Герцог

Тушунади унга туҳмат қилинганини.

Протей

Ҳа, бу гапни Валентиннинг душмани айтса.  
Аммо, бекам, Валентинга доир гапларни  
Эшитиши лозим фақат унинг дўстидан.

Герцог

Ундай бўлса зиммангизга олинг бу ишни.

Протей

Азиз герцог, бу иш менга оғир бўларди.  
Аслзода туҳмат қилса,— яна дўстига,  
Жуда хунук бўлмайдими?

Герцог

Модомики сиз,  
Мақтov билан унга фойда бермабсизми, бас,  
Туҳмат билан унга зарар еткизмайсиз ҳам.  
Шунинг учун, амин бўлинг, синъор Протей,  
Нима билан менга хизмат қиласиз, фарқсиз.

Протей

Азиз герцог, мен розиман... Мен уни шундай  
Расвосини чиқарайки бекам олдида,  
Бекам ундан дарҳол совур, аминман, синъор.

Аммо, дилдан Валентинни чиқариб ташлаш,  
Туриони севиш дёған гап әмас, шаксиз.

### Тур и о

Шунинг учун Валентиндан қизнинг күнглини  
Совутгач, тез севгисини мен томон йўлланг.  
Шу мақсадда уни қанча ёмонлассангиз  
Мени шунча мақтандек бекам олдида, синьор.

### Герцог

Ха, бу ишда ишонаман сизга, Протей,  
Валентиннинг сўзларидан билиб олганман.  
Ўзингиз ҳам дард чекасиз ишқ занжирида,  
Ва ҳамма вақт севгингизга содиқ эрурсиз  
Шул сабабдан Сильвиянинг ёнига эркин  
Кириш учун сизга тўла имкон бераман.  
У қайғуда, ўзи ёлғиз, гаплашмайди ҳеч,  
Аммо сизни, Валентиннинг дўсти, деб, шаксиз,  
Қабул қилур. Сўнгра нима қилиб бўлса ҳам  
Валентинга қарши унда нафрат уйғотинг.

### Протей

Онт ичаман, нима келса қўлимдан агар,  
Ҳаммасини, ҳеч шубҳасиз, ишга соламан.  
Аммо синьор Туриога маслаҳатим шу:  
Қизни худди бир қуш каби, жўшқин айтилган,  
Жон олғувчи ишқий ғазаб ва қўшиқларнинг  
Тузогига туширишга уриниб кўрсин.

### Герцог

Гапинг тўғри. Протей, ха, эзгу шеърият  
Қудратли қуч, худоларнинг яқин маҳрами.

## Протей

Кўз ёшларин, қалб ноласин ишқ мәҳробига  
 Келтираман, ҳаммасини қурбон қиласман,  
 Сенинг тенгсиз ҳуснингга деб, унга шеър ёзинг  
 Агар сиёҳ тамом бўлса, қонингиз билан  
 Давом этинг шеър ёзишда, муҳтарам синьор.  
 Орфей бир чоқ ясаганда қудратли удни  
 Тор қилибди шоирларнинг пайдан унга,  
 Олтин товуш билан у тор пўлатни, тошни,  
 Ҳамда асрий қояларни эритган экан,  
 Арслонларни ювоштириб, Левиафани —  
 Мудҳиш денгиз дажжолини қирғоққа чиқиб,  
 Рақс тушишга мажбур қилган экан ўша тор.  
 Қунингизни ажиб ғазал ёзишга бериб,  
 Кечалари ёр ойнаси остига келиб,  
 Таклиф қилиб маҳоратли созандаларни,  
 Қўшиқ айтиб ва соз чалиб ёр қулогига  
 Ором беринг, лаззат беринг. Тун сукуннати  
 Билан мунгли ва нолакор сознинг садоси  
 Бир-бирига мос келади. Ғалаба учун  
 Бундан бўлак йўл топилмас, синьор Турио.

## Герцог

Фақат кимки севса шунга ўргата олур.

## Туро

Шу бугуноқ бажараман маслаҳатингни,  
 Менинг пирим, менинг азиз дўстим Протей.  
 Юр мен билан, шаҳарга туш, созанда ёллаб  
 Қеламиз. Ҳа, мен шу бугун битта ғазални  
 Боплаб туриб ёд олганман. Ана ўшани  
 Қуйга солиб айтаман — бу севги жангининг  
 Бошланиши бўлсин, дўстим.

Герцог

Синьорлар, оқ йўл.

Протей

Биз овқатга қадар, герцог, хизматингизда  
Бўламизу кейин бизга рухсат.

Герцог

Йўқ, ҳозир  
Жўнайверинг, вақт ўтмасин, рухсат, дўстларим.

Кетишади.

Парда

## ТҮРТИНЧИ ПАРДА

### БИРИНЧИ САҲНА

Милан билан Верона ўртасидаги ўрмон.

Бир қанча қароқчилар киради.

#### Биринчи қароқчи

Ана, дўстлар, йўловчилар, дадил бўлинглар.

#### Иккинчи қароқчи

Үринг боплаб, қўрқманг ҳатто ўнта бўлса ҳам.

Валентин билан Спид киради.

#### Учинчи қароқчи

Тўхтанг, синъор, ёнингизда нима бўлса, ҳаммасини беринг, бўлмаса сизларни борграймизу ҳаммасини тортиб оламиз.

#### Спид

Хўжайн, ўлдик. Булар ҳамма сайёҳларни ўлдирадиган ёвузлар.

#### Валентин

Дўстларим...

Биринчи қароқчи

Янглишасиз, синьор, биз сизнинг душманларингизни.

Иккинчи қароқчи

Жим бўл, қани, нима дейди, эшитайлик.

Учинчи қароқчи

Тўғри. Соқолим билан онт ичаман, яхши одамга ўхшайди.

Валентин

Билиб қўйинг, ҳеч нарсам йўқ йўқотадиган.  
Тақдир менга жабру жафо кўрсатди беҳад.  
Устимдаги кийимларим — бутун бойлигим.

Иккинчи қароқчи

Қаёққа кетяпсизлар?

Валентин

Веронага.

Биринчи қароқчи

Қаердан келяпсизлар?

Валентин

Миландан.

**Учинчи қароқчи**

**Ү ерда кўп турднингизми?**

**Валентин**

**Бир йилдан ортиқ.**

Аммо ҳали кўп яшардим у ерда, агар,  
Шум толеим бўлмагандага йўлларимга ғов.

**Биринчи қароқчи**

**Қувлашдими?**

**Валентин**

**Ҳа, қувлашди.**

**Иккинчи қароқчи**

**Нима сабабдан?**

**Валентин**

Сабабини эслаш менга жуда ҳам оғир.  
Мен у ерда бир одамни ўлдириб қўйдим.  
Пушаймонман бу ишмидан ҳалига қадар.  
Аммо яширин, орқасидан ханжар урибмас,  
Балки уни ўлдирганман юзма-юз жангда.

**Биринчи қароқчи**

**Үндай бўлса пушаймонга асло ўрин йўқ.  
Шу арзимас ишга сизни қувлашдиларми?**

## Валентин

Яхшики, мен фақат қувгин билан қутулдим.

## Иккинчи қароқчи

Сињор, бошқа тилларни ҳам билсангиз керак?

## Валентин

Ха, ёшлиқда анчагина элларни кездим.  
Аммо тақдир мени кўп ҳам эркалаганмас.

## Учинчи қароқчи

Онт ичаман, Робингуднинг шаддод йигити,  
Кекса монах, мард жангчининг кал боши билан,  
У биз учун жуда ҳам боп саркарда бўлур!

## Биринчи қароқчи

Менга мақбул. Афандилар, икки оғиз гап!

## Спид

Бу таклифни қабул қилинг, хўжайин, дарҳол,  
Шуғулланинг энди ҳалол ўғирлик билан.

## Валентин

Жим бўл!

## Иккинчи қароқчи

Боғлиқ эмасмисиз ҳаёт йўлида  
Бирор билан?

## Валентин

Йўқ, йўқ, фақат тақдирим билан.

## Учинчи қароқчи

Билиб қўйинг, орамизда зодагонлар бор,—  
 Ҳа, ақлсиз ёшликнинг кўр бебошликлари  
 Бизни асл одамлардан ажратиб қўйган.  
 Мен ўзим ҳам Веронадан, она шаҳримдан  
 Қувилганман, герцог қизин ўғирламоқчи  
 Бўлганлигим учун.

## Иккинчи қароқчи

Мен ҳам худди шунақа.  
 Мантиядан қувилганман, бир зодагонни  
 Ханжар билан мулла қилиб қўйганим учун.

## Биринчи қароқчи

Мен ҳам шундай арзимаган бир нарса учун  
 Гуноҳкорман. Бўлди, ишдан гаплашайлик! Биз  
 Нима учун қароқчилик йўлига кирдик,  
 Шуни изоҳ қилиш учун айбларимизни  
 Сизга айтдик. Сиз келишган ҳамда бақувват,  
 Ўқимишли, яна анча тил биладиган,  
 Доно йигит кўринасиз, билиб турибмиз,  
 Бизга худди мана шундай саркарда керак.

## Иккинчи қароқчи

Ҳаммадан ҳам муҳими сиз — қувилганлардан.  
 Энг аввало сизга савол: бизга саркарда

Бўлишликни хоҳлайсизми, истармидингиз  
 Ютқизиқни даромадга айлантириши  
 Ва биз билан ўрмон ичра яшашни?

### Учинчи қароқчи

Ҳамда,  
 Дангал айт-чи, сен довюрак қароқчиларга,  
 Хоҳлармидинг арзийдиган бошлиқ бўлишни?  
 Бир оғиз гап, «ҳа», десанг бас — сени саркарда  
 Қиламизу бўйсунамиз ҳаммамиз сенга,  
 Сени севиб, сени шоҳдай ҳурмат қиламиз.

### Биринчи қароқчи

Пўқ дедингми — ўлдирамиз, тамом-вассалом!

### Иккинчи қароқчи

Ҳа, мақтаниб юрмагин, деб таклифимиздан.

### Валентин

Рози бўлсам, бўлай, майли, қоламан. Фақат  
 Бир шартим бор: камбагаллар, бенаволарни,  
 Ҳимоясиз аёлларни хафа қилмайсиз.

### Учинчи қароқчи

Ундей разил ишдан биз ҳам ҳазар қиламиз.  
 Юр бўлмаса, сени форга олиб борайлик,  
 Ўзимизни ҳамда бутун бойлигимизни  
 Топширайлик энди сенинг ихтиёргуга.

Кетищади,

[www.ziyouz.com](http://www.ziyouz.com) kutubxonasi

## ИККИНЧИ САҲНА

Милан. Герцог саройининг олди.

### Протей

Валентинни қораладим. Туриони ҳам,  
 Алдаш керак. Мен Сильвия олдида уни  
 Мақташ учун ваъда бериб, ўз муҳаббатим,  
 Ўз фойдами кўзлаганман. Энди гўзалнинг  
 Висолига мұяссарман. Аммо Сильвия.  
 Адолатли ва номусли покиза малак,  
 Садоқатдан сўз бошласам ёқтирмас сира,  
 Ўз дўстимга хиёнатда айблаб мени.  
 Жамолини мақтасам у кулади мендан,  
 Жулияга берган ваъда, онтимни эслаб,  
 Вафосизлик қилганимни солар юзимга.  
 Аммо унинг барча мазах, кулгиларига  
 Қарамасдан ўргатилган лайчага ўхшаб  
 Атрофида айланаман кетолмай. Лекин  
 У қанча кўп ҳазар қилса ёлворишимдан,  
 Мен ҳам шунча севмоқдаман садоқат билан.  
 Ана, синъор Турио ҳам келдилар. Борай,  
 Ерни мақтаб қўшиқ айтай қўшилиб унга.

Турио ва созандалар киришади.

### Турио

Биздан олдин! Нима, учиб келдингизми, а?

### Протей

Ҳа, Турио, учиб келдим, чунки муҳаббат  
 Юриш қийин бўлган жойдан учиб ўтади.

Турно

Ахир, сизнинг маъшуқангиз бу ердамас-ку!

Протей

Йўқ, шу ерда, бўлмаса мен келмас эдим-да.

Турно

Яна, сиз ҳам Сильвияга келган бўлмангиз?

Протей

Ҳа, Турно, Сильвияга, аммо сиз учун.

Турно

Раҳмат сизга чин юракдан. Қани, бошлидик.  
Қани, дўстлар, созингизни созланг эртароқ.

Меҳмонхона хўжайини ва йигитчасига кийинган Жулия  
киради.

Хўжайн

Хўш, менинг йигитча меҳмоним, назаримда кўпроқ  
ишиб қўйганга ўхшайсиз. Нега хафасиз?

Жулия

Негаки, меҳрибон хўжайнин, мен хурсанд эмасман.

Хўжайн

Майли, сизни хурсанд қиласиз. Сиз ҳозир музика  
эшитасиз ва сўраган синьорингизни кўрасиэ.

**Жулия**

Унинг овозини ҳам эшитаманми?

**Хўжайин**

Ҳа, эшитасиз.

**Жулия**

Мен учун ўша овоз музика бўлади.

Соз чалинади.

**Хўжайин**

Эшитинг.

**Жулия**

У шуларнинг орасидами?

**Хўжайин**

Ҳа. Тўхтанг, эшитайлик?

Созандалар куйлашади.

**Қўшиқ**

Сильвия ким? Нима билан у  
Чўпонларни айлади шайдо?  
Назокатли, гўзал, оқила,  
Чеҳрасида муҳаббат пайдо.  
Тангри унинг шаҳло кўзига  
Куч берибди, сеҳр берибди.  
Шул сабабдан ким боқса унга  
Худди симоб бўлиб эрибди.

Кўрлигидан нолиган Амур  
 Унга келиб эркаланибди:  
 «Қошки сени бир марта кўрсам,  
 Лабларингдан бир сўрсам!»— дебди.  
 Сўнгра бирдан очилиб кўзи  
 Сильвияга шайдо бўлибди.  
 Муҳаббатнинг тангриси унинг  
 Ишқи билан лим-лим тўлибди.  
 Лабидан бир бўса олибди,  
 Ҳузурида мангу қолибди.  
 Дўстлар, ерда қандай мўъжиза  
 Сильвияга тенглаша олур?  
 У бир қиё боққанда дилга  
 Олов солур, гулгула солур.  
 Сильвияни кўргали келдик,  
 Аҳволини сўргали келдик.  
 Ола келдик унга гулчамбар,  
 Уни мақтаб айтамиз лапар.

### Х ў ж а й и н

Нима гап? Сиз аввалгидан ҳам қаттиқроқ хафа бўлдингиз-ку. Нима бўлди сизга, дўстим? Афтидан, сизга бу соз ёқмади шекилли?

### Ж у л и я

Янглишасиз, менга соз эмас, созанда ёқмади.

### Х ў ж а й и н

Нима учун, яхши йигит?

### Ж у л и я

У бузиб айтяпти.

**Х ў ж а й и н**

Нима, у бошқа пардадан оляптими?

**Ж у л и я**

Йўқ, йўқ. Ҳар ҳолда у шунаقا бузяптики, оғриқдан Қалбимнинг барча торлари зирқирамоқда.

**Х ў ж а й и н**

Қулогингиз жуда нозик эшитар экан-да.

**Ж у л и я**

Қошки эди кар бўлиб қолсам. Юрагим тарс ёрилиб кетай деяпти.

**Х ў ж а й и н**

Назаримда, музикани яхши кўрмайдиган ўхшайсиз.

**Ж у л и я**

Ҳа, агарда бузиб чалинса — ёмон кўраман.

**Х ў ж а й и н**

Қулоқ солинг, овозлар қанақа ўзгаряпти.

**Ж у л и я**

Ана, худди ўша ўзгариш жигимга тегади.

**Х ў ж а й и н**

Нима, сиз созанда бир хил овозда чалсин, демоқчи-мисиз?

### Жулия

Ҳа, бир созанда бир оҳангда чалсин дейман. Ҳўш, нимага анави сизнинг Протейнгиз, анави хонимнинг дебразасига ҳадеб бораверади?

### Хўжайин

Мен фақат унинг хизматкори Ланс айтган гапларнигина биламан. У анов хонимнинг ишқига боши билан шўнғиб кетган.

### Жулия

Секин! Бир чеккага ўтайлик, кетишаپти.

### Протей

Ҳа, хотиржам бўлаверинг, синъор Туро,  
Ишни шундай боплайнки, ҳийлаларимга  
Ўзингиз ҳам тан берасиз, қасам ичаман.

### Туро

Ҳўш, қаерда учрашамиз сиз билан, синъор?

### Протей

Григорий фонтанининг ёнида, хўпми?

Туро билан созандалар кетишади. Деразада Сильвия кўринади.

Олижаноб синъорина, сизга саломлар,

**Жулия -**

**(хўжайинга)**

**Ланс қани?**

**Хўжайин**

Итини қидириб кетди, хўжайнининг бўйругига биноан  
У итини Сильвияга инъом қилиб бериши керак эди.

**Сильвия**

Кўшиқ учун ва соз учун ташаккур, синъор.  
Айтинг, кимсиз?

**Протей**

Олижаноб синъора агар  
Ниятимнинг поклигини билганларида  
Овозимни таниб олган бўлар эдилар.

**Сильвия**

**Синъор Протей?**

**Протей**

Худди шундай, содик қулингиз.

**Сильвия**

**Нима керак?**

## Протей

Кўр-кўронга хоҳишингизга  
Бўйсунишни истар эдим.

## Сильвия

Хурсандман жуда.  
Хоҳишм шу: жўна дарҳол уйингга, маккор!  
Сен хоинсан, ёлғончисан учига чиқсан.  
Қасам ичиб бошқаларни алдаганингдай  
Мени аврамоқчимисан хушомад билан?  
Нима, мени шунча лақма деб ўйладингми?  
Бор, тиз чўкиб ўша қизнинг олдида ёлвор,  
Илтижо қил, гуноҳимни кечир, деб унга!  
Мен эса онт ичаман,— тун маликасининг  
Номи билан онт ичаман,— нолаларингга  
Ҳеч вақт қулоқ солмагайман, хиралигинингдан  
Бутун ақлим, қалбим билан ҳазар қиласман.  
Менга уят, лақиљлашиб сен билан бекор  
Вақт ўтказиш.

## Протей

Яширмайман, маликам, тўғри,  
Севар эдим бошқа қизни, аммо у ўлган.

## Жулия

(чеккага)

Мен гувоҳман, ҳали уни кўмганлари йўқ.

## Сильвия

Фараз қиласайлик, бу гап тўғри, аммо Валентин,  
Сенинг дўстинг ҳали тирик, яхши биласан,

Биз у билан унашганмиз, шунга қарамай,  
Севгинг билан ўртогингни таҳқир қилишга  
Қандай қилиб ахир бетинг чидайди, маккор!

### Протей

Валентинни ўлди деган хабар тарқалган.

### Сильвия

Агар бу гап тўғри бўлса, мен ҳам ўлганман,  
Севгим унинг мозорига мангу кўмилган.

### Протей

Рухсат этинг севгингизни тиргизай, бекам!

### Сильвия

Йўқ, сен тиргиз маъшуқангнинг муҳаббатини,  
Е ўзингнинг севгингни ҳам унга қўшиб кўм.

### Жулия

(чеккага)

У бу гапни эшитмади.

### Протей

О, синьора! Сиз  
Бераҳмсиз, шафқатсизсиз. Сиздан сўрайман.  
Ҳеч бўлмаса, хонангизда осиғлиқ турган  
Расмийгизни ҳада қилинг, эсадалик учун.  
Мен у билан гаплашаман, ҳасратлашаман,  
Хузурида ёш тўкаман ва соянгизни

Узим сояга айланиб, сўнмас ишқ билан,  
Кўзларимга сура-сура севиб юраман.

### Жулия

(чеккага)

О, мунофиқ, вафосизлик қилиб уни ҳам  
Айлантириб қўяр эдинг сояга мендек.

### Сильвия

Сизга санам бўлиш менга жуда кўнгилсиз.  
Аммо сиздек ёлғончига сояни сёвиш  
Ва сояга топинишлик жуда муносиб.  
Майли, сизга суратимни тақдим қиласман,  
Эрта билан бирор келсин, олиб кетади.  
Хайрли кеч, тинч ухланг.

### Протей

Ҳа, худди эрталаб  
Улим кутган асир каби тинч ётсан керак.

(Кетади.)

Сильвия ҳам ичкарига кириб кетади.

### Жулия

Хўжайн, қани, кетдикми?

### Хўжайн

Бутун авлиёлар номига онт ичаманки, пича мизриб  
олдим, чамаси.

**Ж у л и я**

Айт, синъор Протей қаерда туради?

**Х ў ж а й и н**

Менинг меҳмонхонамда. Қаранг-а, ҳадемай тонг ёришиб қолади.

**Ж у л и я**

Ҳа, уйқусиз тунларимнинг энг безовтаси,  
Энг узуни, энг оғири шу кеча бўлди.

Кетишади.

### **УЧИНЧИ САҲНА**

Яна ўша жой. Эгламур киради.

**Э г л а м у р**

Мени бугун бир келинг, деб Сильвия бекам  
Чақируди. Мана, расо вақтида келдим.  
Қанақадир муҳим ишга керак эмишман.  
Ҳо, синъора Сильвия!

**С и л ь в и я**

Ким мени чақирган?

**Э г л а м у р**

Мен, мулозим ва дўстингиз.

## Сильвия

Эгламурмисиз?

Салом сизга, минглаб салом, муҳтарам синьор.

Эгламур

О, сизга ҳам шунча салом, гўзал синьора.

Қай иш билан сизга фойда етказишимни.

Билиш учун барвақт келдим шу қадар, бекам.

## Сильвия

Сен ботирсан, олижаноб, азиз Эгламур.

Онт ичаман, сўзларимда ҳеч хушомад йўқ.

Сен доносан, маърифатли, жасоратлисан.

Ҳаққонийсан, тўғри сўзсан. Яхши биласан,

Валентинни жону дилдан севишлигимни.

Аммо отам, хоҳишимиға қарамай, мени

Уша аҳмоқ Туриога бермоқчи. Сен ҳам

Севган эдинг, бир вақтлар ўзинг айтгансан;

Тасаллисиз аламлардан бағринг қон бўлиб,

Маъшуқангнинг ҳижронида букилиб ғамдан,

Бевақт ўлган бечоранинг қабри устида,

Ҳатто у гўр қучогида ётса ҳам, унга

Содиқ бўлиб қоламан, деб онт ичганингни.

О, Эгламур. Мантияга жўнамоқчиман.

Менинг азиз Валентиним шу ерда яшар.

Аммо йўллар, дейишади, хатарли эмиш,

Шул сабабдан сўтар әдим ҳамроҳим бўлсанг,

Ўйлаб қара, отам жуда ғазабнок бўлса,

Ўйлаб қара, азобдаман ҳижронда ўзим.

Шунда ўзинг тақдир, тангрин лаънатлаган, паст,

Жирканч никоҳ, разолатдан қутулиш учун

Қочишимни, ҳеч шубҳасиз, тўғри дер эдинг!

Азиз дўстим, бутун қалбим билақ сўрайман,

— Қалбда эса денгиздаги құмданам күп ғам,—  
 Бахти қора Сильвияга ҳамроҳ бўл йўлда!  
 Агар ҳамроҳ бўлолмасанг, айтган сиримни  
 Ҳеч кишига айтмайман, деб ваъда бер менга.  
 У вақтда ўзим танҳо қочаман, майли.

### Э г л а м у р

Хайриҳоҳман сизга бутуни вужудим билан.  
 Қайғунгизнинг сабабини билғанлигимдан,  
 Жон деб сизга йўлда ҳамроҳ бўламан, бекам.  
 Қайғурмайман мен ўзимнинг тақдирим учун,  
 Фақат сизга бахт тилайман улуғ тангридан.  
 Қачон йўлга чиқмоқчисиз?

### С и л ь в и я

Бугун кечқурун.

### Э г л а м у р

Хўп, қаерда учрашамиз?

### С и л ь в и я

Пьетро ҳазратимнинг  
 Ҳужрасида. Мен у ерда тоат-ибодат  
 Қилмоқчиман унга айтиб дилдаги гапни

### Э г л а м у р

Монастирнинг дарбозаси олдида сизни  
 Кутаман. Хўп, кечга қадар хайр, синъора.

## С и л ь в и я

Хайр, менинг Эгламурим, меҳрибон дўстим.

*(Ичкарига кириб кетади.)*

Э г л а м у р   к е т а д и .

## ТҮРТИНЧИ САҲНА

И т и   б и л а н   Л а н с   к и р а д и .

Л а н с

Қачонки хизматкор ўзини худди кўрнамак итдай тутса, хўжайнин хафа бўлади. Ахир мен уни ёшлигидан тарбия қилганман-ку. Мен бу кучукчани, учтами, тўрттами, кўзи очилмаган ака-укалари ва опа-сингиллари-га қўшиб сувга гарқ қилишмоқчи бўлганларида қутқариб қолувдим. Мен уни яхши кўппак қилиб тарбияладим. Мени, бу итни хўжайнинимнинг номидан синъора Сильвияга тортиқ қилиб олиб бор, деб юборишиди. Эндиғина емакхонасиға кириб эдик ҳам, ҳаш-паш дегунича бориб синъорларнинг тарелкасидаги колбасани олиб қочди. Жамоат орасида ўзини тутолмайдиган ит кўзингга ниҳоятда хунук кўринар экан. Мен уни, қўлидан ҳамма иш келадиган, таълим кўрган ит қилиб кўрсатишини хоҳлардим. Агар унинг гуноҳини ўз бўйнимга олишга ақлим етмаганда эди, уни, шу қилмиши учун осардилар. Худо урсин, у ўз қилмишига яраша жазосини тортган бўларди. Узингиз ўйлаб қаранг. У ҳеч қандай такаллуфсиз герцог столининг тагида ўтиришган иккитами, учтами зотли итларнинг орасиға отилиб кирди ва у ерда,—тавба, ҳайрон қоласан киши!—у ерда ҳатто зарурат учун лозим бўлган вақтча ҳам ўтиргани йўғу аммо, уйдагиларнинг ҳам-

маси, бирдан, ёмон ҳид сеза бошладилар. «Э, бу итни ҳайданг!»— деб бақирди биттаси. «Бу яна қанақа ит!»— деб қичқирди бошқаси. «Хипчин билан ўларлик қилиб саваланг!»— деб чинқирди учинчиси. «Уни осиш керак!»— деди герцог. Менга бу ҳид жуда яхши таниш бўлганидан, гап Креб ҳақида бораётганини дарҳол фаҳмладим. Уни хипчин билан урмоқчи бўлаётган йигитчанинг олдига бордим. «Ошнам,— дедим,— сиз бу итни урмоқчимисиз?»— «Ҳа, жин урсин буни, урмоқчиман»,— деди у. «Сиз уни бекорга хафа қиляпсиз,— дедим,— бу ишни қилган мен», дедим. У бошқа гапни йигишириб қўйиб, мени савалай кетди ва уйдан ҳайдаб чиқарворди. Бошқа хўжайнин бўлса ўз хизматкори учун шунаقا меҳрибончилик қиласмиди? Қасамёд қилишга тайёрманки, у ўғирлаган колбаса учун мен кундага тушдим. У ўлдирган фозлар учун тавқи лаънатни мени бўйнимга осдим, акс ҳолда бу иш учун ҳам у жазога мустаҳиқ эди. Сен эса бу ҳақда ўйлашни ҳам эсингдан чиқариб қўйдинг. Аммо мен Сильвия хонимларнидан чиқиб кетганимдан кейин, нима ишлар қилганингни ҳам эсимдан чиқарганим йўқ-ку. Ахир мен сенга мендан кўзингни узма, мен нима қилсанм сен ҳам шуни такрорла, деб айтмовдимми? Ахир, бирор маротаба, тўсатдан оёғимни кўтариб аслзода хонимнинг этагини булғагацимни кўрувдингми? Бирор маротаба шунаقا бемазагарчилик қилганимни кўрувдингми?

Протей ва йигит кийимида Жулия киришади.

### Протей

Сейнинг номинг Себастьянми? Сен менга дарҳол  
Ёқиб қолдинг. Қиласанми хизмат буюрсам?

Жулия

Қўлдан келган ҳамма ишга тайёрман, синьор.

Протей

Ташаккур.

(Лансега.)

О, сен муттаҳам шу ердамисан?  
Икки кундан бери қайда тентираб юрдишг?

Ланс

Синьор, мен буйруғингизга биноан, Сильвия хонимникига ит олиб борувдим.

Протей

Хўш, у ажойиб итни олгандан кейин хоним нима дедилар?

Ланс

Э, жин урсин, синьор. Сиз унга тортиқ қилиб юборган ит жайдари ит экан, хоним бунақа кўпрак фақат итона ташеккурргагина лойик, дедилар.

Протей

Ҳа, ахир у ҳадяни олдими?

Ланс

Иўқ, синьор, олмади. Мана, қайтариб олиб келяпман.

## Протей

Ие, ҳали сен шу кўпакни унга ҳадя қилмоқчи бўлувдингми?

## Ланс

Ҳа, синъор, анави олмахонга ўхшаган, кичкина лайчани кеча бозорда жаллоднинг шогирдлари чўнтағимдан ўғирлаб кетишибди. Шунинг учун мен Сильвия хонимга лайчанинг ўрнига ўз кўипагимни олиб борувдим. У сизнинг лайчангиздан ўн баробар катта, демак, ҳадя сифатида ўн баробар ортиқ.

## Протей

Жўна, абраҳ! Еки итни топиб қеласан,  
Е бўлмаса кўзларимга кўринма зинҳор!  
Нега қаққайнб турибсан? Жўнамайсанми?  
Хизматкорлар учун доим мен қизараман.

Ланс кетади.

Себастьян, кел, сен менга хизматкор бўлгил,  
Менга ундей калтафаҳм, териси қалин  
Ландавурлар керак эмас, топшириғимни  
Ақл билан, нозик қилиб бажарадиган  
Йигит керак. Сенинг чеҳранг жуда ёқимли,  
Тарбиялик кўринасан, хато қилмасам —  
Бахт ва шодлик келтиришинг мумкин мен учун!  
Шу сабабдан сени олдим. Гап бундай дўстим:  
Сен синъора Сильвиянинг олдига бориб  
Узугимни ҳадя қилиб унга берасан,  
Бир вақт мени севар эди узук соҳиби.

Жулия

Ҳадясини бошқа қизга берсангиз агар,  
Шўрликни ҳеч севмаган экансиз-да, а?  
Ё бечора ўлганмиди?

Протей

Йўқ, йўқ, барҳаёт.

Жулия

Шўрим қурсин!

Протей

Сенга нима алоқаси бор?

Жулия

Ачинмасдан иложим йўқ унинг ҳолига.

Протей

Сен-а? Нега ачинасан. Жулияга, хўш?

Жулия

Назаримда, у бечора сизни, синьора,  
Сильвиядан кам севмаган бўлса керак, а?  
Унга аэз — уни эсдан чиқарган киши,  
Сиз ошиқсиз ўзингизни севмаган қизга.  
Ҳаёт билан севги доим қарама-қарши,  
Шул сабабдан: шўрим қурсин дея қичқирдим!

## Протей

Хафа бўлма. Узукни ҳам манови хатни  
Унга топшир. Синъоранинг хонаси, ана.  
Ваъда қилинган суратга келдим, деб айтгил.  
Ҳа, суратни олу тезроқ ҳузуримга қайт —  
Тарқатгил юрак тўла қайғуларимни.

*(Кетади.)*

## Жулия

Оҳ, айтинг-чи, мендан бўлак қайси бир аёл  
Бундай мушкул топшириқни бажара олур!  
О, бечора Протей! Сен қўзиларингга  
Чўпон қилдинг тулкини. Мен энди тушундим!  
Ачинаман мендан кулган кишига беҳад!  
Уни кўрган замониёқ мендан жирканиб,  
Юз ўғирди, мен-чи, уни севаман ҳамон.  
Шунинг учун ачинаман. Қетганда унга  
Узук бердим мени доим эслаб юрсин, деб  
Энди эса мен бечора — мен баҳтсиз элчи! —  
Сильвиядан, унга раво кўрмаган ишни,  
Ижро эт, деб ёлворишим, сўрашим керак.  
Узим қайтиб оладиган узукни унга  
Топширишим лозим, унга мақташим керак,  
Узим роса койиб юрган бевафо ёрни!  
Ахир ўзим унашилган эдим у билан!  
Бўлиш учун Протейга содик хизматкор  
Ўз-ўзимга бевафолик қилишим лозим,  
Совчи бўлиб бориб ўзим севган ёр учун.  
Истар эдим келинчакнинг рад этишини.

Мулозимлар билан Сильвия киради.  
Салом, хоним! Мумкинмикан гўзал синъора  
Сильвияга икки оғиз гапим бор эди?

С и л ь в и я

Мен Сильвия, Нима хизмат? Қулоғим сизда.

Ж у л и я

О, сизмисиз, ундей бўлса сабр этинг бир оз —  
Бир топшириқ билан келдим, синьора.

С и л ь в и я

Кимдан?

Ж у л и я

Мени сизга синьор Протей юборди, бекам.

С и л ь в и я

Сурат учун юборгандир сизни, ҳойнаҳой?

Ж у л и я

Ха.

С и л ь в и я

Хўп, яхши. Урсула, бор, суратни келтир!

Урсула суратни келтиради.

Протейга топшир, ҳам айт, унинг уйига,  
У ишқига вафосизлик қилган — Жулия,  
Бу суратдан, бу соядан кўпроқ ярасур.

## Жулия

Мана сизга хат, синьора. Кечириңг, бекам,  
Тасодғифан сизга бўлак қофоз берибман.  
Хаҳ, қаёқда қолди у хат, ҳа, мана топдим.

## Сильвия

Қани, менга анов хатни яна бир кўрсат.

## Жулия

Кечирасиз, у хатни мен кўрсатолмайман.

## Сильвия

Ма, ол! Менга хўжайининг ёзган мактубни  
Кўришга ҳам тоқатим йўқ. Биламан, бу хат  
Ишқий онтлар, ваъдаларга, оҳларга тўлган,—  
Унинг сира субути йўқ, гаплари ёлғон.  
Мен хатини қандай осон йиртиб ташласам,  
У ҳам худди шундай осон айнир гапидан.

*(Хатни йиртиб ташлайди.)*

## Жулия

Синьора, у сизга узук бериб юборди.

## Сильвия

Узук? Унда икки карра уят беорга!  
У, юз карра айтиб эди, бу — менга ёдгор,  
Уни менга ҳадя қилган азиз Жулия,  
Айрилишган чоғимизда ишқимга гаров,  
Далил бўлсин дея, — узук ўшаники деб.

Ү узукни булғаса ҳам хиёнат билан  
Мен вафодор Жулияни таҳқир қилмайман.

**Жулия**

Ү ташаккур дейди сизга...

**Сильвия**

Үзи нима гап?

**Жулия**

Үнга шафқат қилганингиз учун ташаккур,  
Бечорани кўп ранжитди менинг соҳибим.

**Сильвия**

Ха, сен уни биласанми?

**Жулия**

Худди ўзимдай.  
Мен, шўрликнинг аҳволига кўп йиғлаганман.

**Сильвия**

Вафосизлик қилганини унга Протей  
Билсанг керак?

**Жулия**

Үйлайманки, билишим лозим.  
Аламли кўз ёшларининг сабаби ҳам шу.

## С и ль в и я

У гўзалми?

Ж у л и я

Йўқ, илгари чиройли эди,  
 Протейнинг севгисига ишонган чоқда,  
 У ҳам сиздай жуда гўзал, дилрабо эди.  
 Аммо кўпдан у ойнага қарамай қўйган.  
 Кун нуридан сақланай, деб ниқоб киймайди...  
 Гул юзини иссиқ ҳаво сўлдириб қўйган,  
 Нилуфардай оппоқ эмас чеҳраси энди,  
 Менга ўхшаб энди юзи кунда қорайган.

## С и ль в и я

Бўйи қандай?

Ж у л и я

Бўйи менинг бўйим билан тенг.  
 Биз у билан ўйнаганда комедияда,  
 Менга кўп вақт хотин роли тўғри келарди.  
 Жулиянинг кўйлагини киярдим шунда,  
 Худди менга тикилгандай лойиқ келарди.  
 Шунинг учун бўйи менинг бўйим билан тенг  
 Эканини биламан. Ҳа, бир кун мен уни  
 Ростанига йиғлатганиман, яхши эсимда.  
 Мен ўшанда ўйнаганман хоин Тезейнинг  
 Хиёнати ва қочиши туфайли ўлган,  
 Шўринг қурғур Ариадна ролини. Шунда  
 Мен шу қадар ўйнабманки ҳолатга кириб,  
 Чинданига ғамга тўлиб, ҳаяжонланиб,  
 Бирдан бекам фарёд чекиб йиғлаб юборган.  
 Ўлай агар, унинг ёши билан мен ўзим  
 Йиғламаган бўлсам, сўзим муболағасиз.

## Сильвия

О, сен жуда олижаноб йигит экансан.  
 Ёри уни унугандада, ташлаб кетгандада,  
 Сен кўрсатган муруватдан севингандир у!  
 Мен ҳам кўзга ёш оламан ёрни эсласам.  
 Сен бекангни шунча ҳурмат қилганинг учун  
 Ҳамёнимни сенга тақдим қиласман. Ҳўп, хайр.

## Жулия

О, Жулия сизга раҳмат ёғдирап эди  
 Кўришгандада, учрашгандада сиз билан, бекам.

Сильвия мулозимлари билан кетади.

У шафқатли, олижаноб ва гўзал экан.  
 Агарда у менга шунча ачинса,— балки,  
 Протейнинг таклифини тамом рад қиласар.  
 О, муҳаббат! Нега энди ўз ўзинг билан  
 Ўйнашасан! Рақибимнинг сурати мана.  
 Кўрайлик-чи. Агар шундай кўйлак кийгизса,  
 Мен ҳам ундан қолишмасдим ҳусну жамолда.  
 Рассом унга кўп хушомад қилган, афтидан,  
 Эҳтимол мен ўзимга кўп бино қўярман?  
 У қора соч,— тилла рангда менинг соchlарим.  
 Агар уни шу ранг учун севган бўлса у,  
 Эртагаёқ қора парик кийиб оламан.  
 Иккимизнинг кўзимиз ҳам кўк экан, яхши,  
 Аммо унинг пешонаси анча паст экан.  
 Ҳа, бўлмаса, нимасини севади унинг?  
 Нимам ёмон менинг ундан? Агар муҳаббат  
 Кўр бўлмаса, шўх бўлмаса болага ўхшаб,  
 Мендан нуқсон топармиди, синъор Протей?  
 Ҳа, олиб бор рақибингнинг соясини тез,—  
 У сояга. Тимсолисан бепарволикнинг!

Аммо сенга топинар у, сажда қилар у.  
 О, санамга топинишда бир маъно бўлса,  
 Менинг тирик жуссам бу бўш, жонсиз суратнинг,  
 Бу соянинг ўринни тез олиши керак.  
 Жулияга ғам ейдиган соҳибанг ҳаққи,  
 Мен аядим сени, ундан бўлмаганида,  
 Кўнгил узсии дея сендан менинг соҳибим,  
 Ҳиссиз, жонсиз кўзларингни ўйиб олардим.

(Кетади.)

П ә р д а

## БЕШИНЧИ ПАРДА

## БИРИНЧИ САҲНА

Милан. Монастиръ.

## Эгламур

Фарб уфқини олтин рангга бўяди қуёш,  
 Ваъдалашган вақтимиз ҳам яқинлаб қолди.  
 Синьора ҳам ҳозир келиб қолсалар керак.  
 Севишганлар ўз сўзига эга бўлади.  
 Олдин келса келади-ю, аммо кечикмас.  
 Ана, келди.

Сильвия киради.

Синьорина, кечки саломлар!

## Сильвия

Омин, омин. Олдинга юр, ботир Эгламур,  
 Монастирнинг деворидан ўтиб, мени кут.  
 Қўрқаманки, пойланглар, деб орқамдан одам  
 Қўйган бўлса керак отам, кўнглим жуда ғаш.

## Эгламур

Қўрқманг, ўрмон узоқ эмас бу ердан унча,  
 Унга қочиб борамизу халос бўламиз.  
 (Кетади.)

## ИҚКИНЧИ САҲНА

Герцог саройидаги хона.

Туро, Протей ва Жулия киришади.

Туро

Синьор Протей, ҳозир қандай қарап эканлар,  
Сильвияхон, менинг камтар илтимосимга?

Протей

Назаримда ён берганга ўхшайди бир оз.  
Аммо сизнинг нимангиздир ёқмай турибди.

Туро

Нимам экан? Е оёғим беҳад узумни?

Протей

О, йўқ, синьор, тўғрироғи — жуда ингичка.

Туро

Яхши, йўғон қилиш учун этик кияман.

Жулия

(чеккага)

Шпор билан асли ўзи жирканч нарсага  
Мұҳаббатнинг назарини жалб қилолмайсан.

Туро

Менинг юзим ёқармикан у кишига, а?

Протей

Юзингизни ҳаддан ортиқ оқ дейди, бекам.

Туро

Мен ҳабашдай қораман-ку! Ёлғон айтибди.

Протей

Ахир, инжу оқ бўлади, қора одамлар  
Гўзалларнинг назарида гўёки инжу.

Жулия

(чеккага)

Ҳа, бу инжу аёлларни сўқир қиласди,  
Энг яхиси, уни кўздан йўқотиш керак!

Туро

Қалай, унга манзурмикан менинг суҳбатим?

Протей

Сиз урушдан сўз очганда у зерикармиш.

Туро

Ишқ ва тинчликдан гапирсам қизиқармиш?

Жулия

(чеккага)

Сен тинчгина гумдон бўлсанг, қайтиб келмасанг,  
Ана шуни эшитишга қизиқарди у.

Туро

Хўш, у, менинг ботирлигим ҳақида сизга  
Бирор нарса демадими?

Протей

Бу ҳақда сўз йўқ.

Жулия

(чеккага)

Агар ботир қўрқоқ бўлса нима ҳам десин?

Туро

Унга маълуммикан менинг асли насабим?

Протей

Олий насаб эканингиз албатта маълум.

Жулия

(чеккага)

Ҳа, насаби масхарабоз бойваччалардан.

Туро

Бекам, менинг бойлигимни эшигтанмикан?

Протей

Эшигтану ачинади сизга.

Туро

Хўш, нега?

Жулия

(чеккага)

Негаки, у бойликларнинг эгаси эшак.

Протей

Ҳа, гаровга қўйгансиз-ку.

Туро

Герцог келдилар!

Герцог киради.

Герцог

А, Туро! О, Протей! Синъорлар, айтинг,  
Эгламурни кўрганларнинг йўқми бугун, а?

Туро

Йўқ, синъор.

Протей

Йўқ.

Герцог

Қизимни-чи?

Протей

Учратганим йўқ.

Герцог

Демак, қизим Валентиннинг ёнига қочган,  
 Эгламур-чи, уни йўлда кузатиб кетган.  
 Худди шундай. Ҳа, уларни Лоренцо ҳазрат,  
 Дуо ўқиб сўқмоқ йўлдан кетаётганда  
 Учратибди. Эгламурни яхши билади,  
 Ёнидаги, ҳеч шубҳасиз, сизнинг қизингиз  
 Бўлса керак, деб ўйлайман, гарчи мен унинг  
 Ниқобланган чеҳрасини кўролмасам ҳам,  
 Деди, ҳазрат. Кейин, қизим Пьетро ҳазратнинг  
 Енларига ибодатга бормоқчи бўлиб,  
 Бормаганмиш. Ҳа, Сильвия қочган. Протей,  
 Отга мин, йўл Мантуяга қайриладиган  
 Жойга бор тез. Уша ердан ўтади улар.  
 Уша ерда, тоғ остида учрашамиз. Ҳўп,  
 Қани юринг, мард синъорлар, менинг орқамдан.

Кетишади.

Туро

Буни қаранг, бу қиз жуда ўжар экан-ку!  
 Бахтдан қочиб ўтиrsa-я! Мен орқасидан  
 Қуваман,— йўқ, ўжар қизга ошиқ бўлганим  
 Учун эмас, Эгламурдан ўч олмоқчиман.

Протей

Мен-чи, фақат муҳаббат деб йўлга тушаман.  
 Эгламурдан эса сира хафа эмасман.

**Жулия**

(чеккага)

Сильвиянинг севгисидан ўч олиш учун  
Эмас, унинг севгисига тўсиқ бўлгали  
Отланаман мени ҳам оғир, узоқ сафарга.

### **УЧИНЧИ САҲНА**

Урмон.

Қароқчилар Сильвияни олиб киришади.

**Биринчи қароқчи**

Сабр қилинг! Ҳа, биз сизни олиб борамиз  
Саркарданинг ҳузурига.

**Сильвия**

Менга барибир.

Аlam чекиб ўрганганман, бу аламга ҳам  
Финг демасдан, осонгина бардош бераман.

**Иккинчи қароқчи**

Олиб юринг.

**Биринчи қароқчи**

Еннадаги йигити қани?

**Учинчи қароқчи**

Қуён бўлиб қочди. Уни қувиб кетишиди.  
Ҳой, сен Мозес, сен Валерий, бу синъорани

Саркарданинг ҳузурига олиб боринглар!  
 Мен қочганинг орқасидан қувай, шаксиз, у  
 Үрмондаги пистирмадан қочиб қутулмас.  
 Майли, ўзим олиб борай, сизлар жўнанглар.

Иккинчи ва учинчи қароқчи кетишади.

### Биринчи қароқчи

Юринг, сизни саркарданинг ғорига элтай.  
 Қўрқманг сира, саркардамиз кўп одил киши,  
 Айниқса у аёлларга жуда ҳимматли.

Кетишади.

### ТУРТИНЧИ САҲНА

Ўрмоннинг бошқа бир қисми.

Валентин киради.

### Валентин

Нақадар тез ўрганамиз янги одатга!  
 Менинг учун нимқоронғи, пастқам, чекка жой,  
 Одамлардан холи бўлган ўрмон, чакалак,  
 Олаговур, бой шаҳардан суйқумли, азиз.  
 Мен бу ерда, одамларнинг кўзидан йироқ,  
 Якка ўзим кезинаман хаёлга ботиб,  
 Жўр бўламан нозли булбул қўшиқларига,  
 Ноласига, фифонига аламли қалбнинг.  
 Гўзалим, кел, ҳаёт бериб кўксимда яша,  
 Бу масканни ардоқла, сев, фақат сен билан  
 Бахт мұяссар бўлур унга. Бўлмаса қайғу  
 Кемиради уни буткул, эгасиз қолган  
 Вайронадек қулаб тушар нураган кўксим.

О, Сильвия, сен қайтадан ҳаёт бер менга,  
Фамгин дилга тасалли бер, эрка малагим!

Саҳна орқасидан шовқин эшитилади.

Нима ғавғо? Нега шовқин кўтаришмоқда?  
Фақатгина бошбошдоқлик, тартибсизликни  
Қонун қилиб кўтаришган такасалтанглар?  
Ё адашиб келибдими бирор йўловчи?  
Гарчи мени бутун тўда яхши кўрса ҳам  
Гоҳ уларнинг хуружини босиш кўп оғир!  
Ҳа, ўзимни четга олай, келишяпти.

Сильвия, Протей, Жулия киришади.

### Протей

Сизга хизмат қилиш учун, синьора,— гарчи,  
Хизматимнинг қадрига ҳеч етмасангиз ҳам,—  
Ҳаётимни хавф остида қолдириб, сизга  
Таҳдид қилган қароқчини қиличим билан  
Жазоладим. Наҳотки мен шу хизмат учун  
Битта табассумингизга лойиқ бўлмасам?  
Хизматимга бундан кичик баҳо топмадим,  
Назаримда шу ҳам сизга кўпдай кўринди.

### Валентин

(четга)

Туш эмасми кўрганларим, эшигланларим?  
О, муҳаббат, бир зумгина менга чидам бер!

### Сильвия

О, худойим, қара, қандай баҳтиқораман!

### Протей

Бахтсиз бўлиб қолишингиз мумкин эди, ҳа,  
Мен келдиму ола келдим, бекам, сизга баҳт.

### Сильвия

Бахтсизлигим шуки, менга яқинлашмоққа  
Журъат этдинг.

### Жулия

(чеккага)

О, мен жуда бахтсиз бўламан  
Агарда сен унга яқин бўлсанг.

### Сильвия

О, тангрим!

Сен ярамас, сен хонига қарздор бўлишдан  
Оч арслоннинг чангалига тушиб ўрмонда  
Тилка-пора бўлишимни афзал кўрадим!  
Тангри гувоҳ, Валентинни жондан севаман.  
У жонимнинг ҳалоскори, жонимдан азиз.  
Сен Протей, сен ёлғончи,— онт ичаманки,—  
Бутун умр менга жирканч бўлиб қоласан!  
Йўқол! Такрор айтаманки, йўқол кўзимдан!

### Протей

Бир табассум, бир боқишинг, бир ишванг учун  
Жон деб ўлим қучогига отилар эдим!  
О, наҳотки ишқим учун севикли ёрнинг  
Фазабини право кўрса шум толе менга?!

## С и л ь в и я

Сен севмайсан, сени жондан севган гўзални.  
 Ёдингга ол Жулиянинг, илк севган қизнинг  
 Ҳузурида қайта-қайта онт ичганингни.  
 Сен онтингни буздинг, уни пучга чиқардинг,  
 Янги севги, янги жазман, хуштор ахтариб.  
 Йўқ, сен жуда бевафосан, агарда вафо  
 Товланмаса. Бир ҳисобда кўп одам учун  
 Бевафоликдан ҳам вафо баттарроқ ёмон.  
 Кўп одамга қасам ичиб, ҳаммани алдаб,  
 Ҳар қадамда қасамингни бузгандан кўра  
 Ҳеч ҳам қасам ичмаганинг яхши бўларди.  
 Сен дўстига фириб берган хоинсан!

## П р о т е й

Хўш, ким  
 Дўсти учун севгисини қурбон қиласди?

## С и л ь в и я

Фақат сенмас! Сен бунаقا фазилатга ёт!

## П р о т е й

Йўқ, мен агар, ҳатто ширин сўзлар билан ҳам,  
 Қаҳрингизни енголмасам, юмшатолмасам,  
 Унда, солдат сифатида севгимга севги  
 Билан жавоб беришликка мажбур қиласман.

## С и л ь в и я

Қўлингни торти!

## П р о т е й

Синдираман ўжарлигингни!

## Валентин

(илгарига чиқиб)

Кўлингни торт! Елғончи, паст, разил!

## Протей

Валентин!

## Валентин

Дўстингман, деб мени алдаб юрган экансан!  
 Дўстликка ҳам, севгига ҳам хиёнат қилдинг!  
 Ақл бовар қилмайди ҳеч хоинлигингга,  
 Ишонмасдим агар ўзим кўрмаган бўлсам.  
 Энди, афсус, мен ҳеч қачон ва ҳеч кимсага  
 Биронта ҳам дўстим бор деб айта олмайман.  
 Қандоқ қилиб ишонаман, агар ўнг қўлим  
 Хоинларча юрагимга ханжар ботирса!  
 Протей, сен Валентинга ёт бўлдинг энди.  
 Одамларга бўлган унинг ишончига сен  
 Зарба бердинг. Ҳаммадан ҳам кўринмайдиган  
 Яра қаттиқ оғрир экан. О, менинг дўстим —  
 Менга душман! О, фирибгар, о, разил замон!

## Протей

Гуноҳкорман, хижолатман, синьор Валентин.  
 Жуда қаттиқ пушаймон, гуноҳимдан ўт,  
 Иқрор бўлдим айбларимга, айбимни кечир,  
 Менинг айбим ғамларимдан кўп эмас, дўстим.

## Валентин

Ундаи бўлса ҳаммасини унутдим, майли,  
 Мен қайтадан ишонаман: дўстим виждонли

Ва пок одам. Ҳа, шубҳасиз, ишонаман мен.  
 Ё сўзимни, майли, ер, кўк рад этақолсии.  
 Улар оғир гуноҳни ҳам кечиради-ку,  
 Агарда чин, соф юракдан чиқса пушаймон,  
 Ҳатто тангри ўз қаҳридан тушади дарҳол.  
 Сенга дўстлик саховатин кўрсатмак учун  
 Сильвиядан воз кечаман сенинг фойдангга.

## Жулия

О, худойим!

(Ҳушидан кетади.)

## Протей

Нима бўлди, қаранг, йигитча!

## Валентин

О, бечора йигит! Сенга нима бўлди, а?

Кўзингни оч, азиз ука, гаплаш мен билан.

## Жулия

Оҳ, меҳрибон синъор, менга манов узукни  
 Сильвияга бер деб эди синъор Протей,  
 Үнутибман.

## Протей

Қани узук? Оббо, шайтон-еий!

## Жулия

Мана узук.

### Протей

Қани, бундай, яқинроқ кўрсат.  
 Э, бу, ахир ҳижрон куни мен Жулияга  
 Берган узук, худди ўзи.

### Жулия

Синьор, кечиринг!  
 Адашибман, Сильвияга бериб юборган  
 Узугингиз манов узук, марҳамат, мана.

*(Бошқа узукни кўрсатади.)*

### Протей

Анов узук қандай сенинг қўлингга тушди?  
 Жулияга берган эдим хайрлашганда.

### Жулия

Менга уни Жулиянинг ўзи топширди,  
 Бу ерга ҳам олиб келган ўшанинг ўзи.

### Протей

А, Жулия!

### Жулия

Қара, унга, муҳаббатингнинг  
 Яллиғланган қасамини қалбидан сира  
 Чиқармаган вафодорга, содиқ дўстингга.  
 Мени жуда кўп алдадинг, вафоси йўқ ёр,  
 Қизар, уял, мени мажбур қилганинг учун  
 Эркакларнинг кийимини кийишга, гарчи,  
 Севги учун ниқобланиш оп бўлмаса ҳам.

Камтаринлик бир нарсани таъкид қиласди,  
Аёлга эр кийимини кийишдан кўра,  
Эркак учун ўз сўзидан қайтиш уятроқ.

### Протей

Сўздан қайтиш ор дейсанми? Сен жуда ҳақсан!  
Агар эркак ўз сўзида собит бўлганда  
Камолотнинг чўққисига чиққан бўларди.  
Субутсизлик манбаидир барча гуноҳнинг,  
Туғилмасдан туриб унда гуноҳ яширин.  
Қолганимда Жулияга вафодор бўлиб,  
Сильвияни ёқимли деб ҳисоблармидим?

### Валентин

Қўлингизни беринг, ўзим қўшиб қўяйин,  
Бундан бу ёқ сизнинг асл дўстлигингизни  
Хеч қачон ҳам бузолмасин айёр душманлик.

### Протей

Онт ичаман, орзуларим рўёбга чиқди.

### Жулия

Менини ҳам.

Герцог билан Туронни олдиларига солишиб қароқчила  
киришади.

### Қароқчилар

Келинг, келинг! Ҳа, мана ўлжади!

### Валентин

Тегманг! Қўйинг! Азиз герцог, сизни қутлайди  
Осий банда, қувғиндаги синьор Валентин.

## Герцог

Валентин, сиз!

## Туро

Сильвия ҳам ораларида!  
У меники!

## Валентин

Қоч бу ердан, Туро, йўқол!  
Акс ҳолда ғазабимдан ўласан, қўрқоқ.  
Сильвияни меники деб вайсама, овсар,  
Акс ҳолда қўролмайсан қайтиб Миланни.  
Жимжилорингни ҳам унга теккизма, номард,  
Булғамагин уни сассиқ нафасинг билан!

## Туро

Синъор, синъор, кўп қизишманг — илтимос сиздан!  
Ундан тамом юз ўғирган қиз учун жангга  
Фақатгина мияси йўқ эшак тушади.  
Майли, гўзал ўзингизга буюра қолсин!

## Герцог

Тоза расво, тоза разил, пастқаш экансан,  
Оламан, деб узоқ ердан чолиб келсангу  
Бир дўқ билан тисарилсанг орқага қараб.  
Онт ичаман шони билан боболаримнинг,  
Менга жуда ёқиб қолдинг, ботир Валентин!  
Эр бўлишга арзийсан сен маликаларга,  
Мени ранжитгандарингни эсдан чиқардим,  
Миланга қайт. Қандай юксак хизмат истасанг,  
Хеч шубҳасиз, ҳаммасига рози бўламан.

Олий насаб, олий жаноб аслзодасан,—  
Сильвияни бердим сенга, ҳаққинг бор олсанг.

### Валентин

Раҳмат сизга! Бениҳоят баҳтлиман, синъор.  
Сильвиянинг ҳурмати, бир илтимосимни  
Қондирсангиз.

### Герцог

Сўра, майли, у учун эмас,—  
Сенинг учун қондиришга тайёрман, гапир.

### Валентин

Бу ердаги, сафларига мен ҳам қўшилган,  
Қувгиндаги одамлар кўп яхши одамлар.  
Кечирсангиз уларнинг ҳам барча айбини,  
Уйларига қайтиш учун рухсат берсангиз.  
Сиз уларга муҳим ишлар топширишингиз  
Мумкин бўлур, мен кафилман, муҳтарам Герцог.

### Герцог

Хўп, кечирдим уларни ҳам, сени ҳам, майли.  
Ўзинг бошқар, уларни сен яхши биласан.  
Бизлар кетдик. Базму шодлик, тўйу томоша  
Билан ташвиш, аламларни унутайлик, ҳа.

### Валентин

Аммо узоқ йўлимиз. Ҳа, мен сизни Герцог,  
Бир озгина қулдиришга журъат этаман.  
Манави ёш йигит сизга ёқадими, хўш?

**Г е р ц о г**

Жуда нозик йигит экан. Қизарib кетди.

**В а л е н т и н**

Кўпроқ назокатдан бу ҳол, ёшлиқдан эмас.

**Г е р ц о г**

Айтинг, бу сўз ўйинидан муддао нима?

**В а л е н т и н**

Рухсат этинг, бир бошидан сўзлаб берайин,  
Сизни ҳайрон қолдиради унинг тақдири.  
Юр, Протей, гуноҳингни оқламоқ учун  
Эшитасан маъшуқангнинг ҳикоясини.  
Сўнг, баробар ўтказамиз икки тўйни ҳам.  
Ҳаммамизга битта ую, битта зиёфат,  
Битта тўю, битта ғамдан озод саодат!

(*Кетишади.*)

**П а р д ə**